

隨園全集

紅豆村人續稿



随園全集之四十二

红豆邨人诗续系

老蘭題



中華民國十年  
上海商務印書館  
總發行所

紅豆村人詩集續刻序

大夫九能登高是賦人生七十古來所稀迭麗言情半成於行役婆娑細律無閒於老懷是則書之歲華便作甲乙之集若論風月都歸丁卯之橋矧乃綺歲蜚聲清才夙擅傳之流輩爭抄剡溪之籐購自賈人幾換麻沙之板記吳中之近事曾畫放翁得海外之奇文競誇坡老斯雖片羽猶見吉光豈有半璋而遺全璧撥韓文於故籠亦資六一以完呼員倣爲詩孫所幸半千有後利施魯削自補六官光射斗墟遂騰雙劍蓋珍護尤逾少作而校刊無異生前已

香亭先生當乾嘉之鼎盛占湖海之英靈隨園方牛耳主盟先生乃雁行接羽當時四海儕我子由入夢春池中閒小謝共住機雲之屋只在東西聯吟求點之山更無大小羽飛醉月平分大塊之文淚灑陟岡也長相思之樹隨園序有云敏中酷類其兄僧彌難爲其弟蓋世所傳紅豆村人詩前集也國風小雅之音香草美人之興三河自賞萬口交推固已雅蹠頌塤鵬背謝其傳翮懷鉛握槩雞林償其兼金旣而孤帆遠影百粵滯音手版腰橫鬢絲肩壓人方謂殘賤束笥庾信名成夢筆不花江淹才盡而先生閒情漫興綺語弗刪撫舊酒痕悵酣嬉之夢醒翻新樂府羞獨漉之歌哀詩人本天假以鳴老子之興復不淺九萬里雲飛水擊收入奚囊七十灘玉漱珠跳瀉從豪翰斬鯨草檄和挽天河七言驅鱗爲文鼓大忽雷一曲洵矍鑠哉斯翁也每咏歎而長言之至若小倉山好遠隔嚶鳴炎海雲封忽聞鵬對五載之歸來虛約一門之師友愴懷禾三變而自知桐半生而心死低徊共覘淚添鸚鵡之波嗚咽亡琴聲歇蝦蟆之鼓從此怕哦常棣直教門下刪詩頻番泣向嶺梅欲染枝頭成血他若

江雲渭樹惻惑懷人蚤雨蠻煙縝紛詩史深絲竹中年之感眞風騷一代之歸此尤至性至情如聞心語豈特一官一集宜付手民也哉瀛仙大令瑤瑜靜秀幼懷燕貽錦軸護持勤祛蝨蝕有文在手合字小同述德成詩居然靈運謂暮年自訂非逸句之於三百篇卷數潛符如胡笳之有十八拍亟謀賡續乞爲引嗶鳴鑾輶軒奉職正文孫捧檄之邦杖履如親生先哲鳴珂之里過江名士羚羊角微尋度嶺續編豹斑全見雖穎濱與眉山合集奚俟贅辭而審言得工部代興庸能嗣響撫梨棗而藉揚駿烈忝桑梓而竊附雅音敢謝卮言勉成弁語題餘掩卷猶聞天風海濤之聲別路倚裝儻亦落葉西江之夜光緒乙酉孟冬同邑汪鳴鑾序

江雲渭樹惻惑懷人蚤雨蠻煙縝紛詩史深絲竹中年之感眞風騷一代之歸此尤至性至情如聞心語豈特一官一集宜付手民也哉瀛仙大令瑤瑜靜秀幼懷燕貽錦軸護持勤祛蝨蝕有文在手合字小同述德成詩居然靈運謂暮年自訂非逸句之於三百篇卷數潛符如胡笳之有十八拍亟謀賡續乞爲引嗶鳴鑾輶軒奉職正文孫捧檄之邦杖履如親生先哲鳴珂之里過江名士羚羊角微尋度嶺續編豹斑全見雖穎濱與眉山合集奚俟贅辭而審言得工部代興庸能嗣響撫梨棗而藉揚駿烈忝桑梓而竊附雅音敢謝卮言勉成弁語題餘掩卷猶聞天風海濤之聲別路倚裝儻亦落葉西江之夜光緒乙酉孟冬同邑汪鳴鑾序

紅豆村人續稿

錢唐袁 樹蔞亭著

卷之一 乙卯

人日書懷

裁成綵勝和香薰乍減嚴寒氣候分  
暖日照開盈砌雪晴風吹動出山雲  
春猶有待花遲發  
十五日方立春人到將離酒易醺  
原未嵩陽充大隱草堂應免勒移文

留別隨園兄

不可留行不勸行去留無計共傷情  
明知衰朽深憐弟肯以窮愁更累兄  
未歷風波先破膽  
欲言離別強吞聲癡心五載仍尋約  
還想重來事耦耕  
音赴粵留別詩有五年江上待歸舟之句後果五年而歸  
嶺嶠分襟昔已傷此行雙鬢更蒼涼  
人當垂老何堪別花到殘枝那得香  
誓及來生情可想  
會期他日夢偏長殷勤苦囑雙眶淚  
不許臨歧灑一行  
兄贈行詩用坡翁世為兄弟意云尙有來生別不妨

留別家人

揮手出門去回頭一灑然生離拚死別  
入世當逃禪孟浪重橫劍支離強著鞭  
親朋徒誚責  
兒女枉流連水涸難維艇雲輕忽上天  
奔馳償夙債榮辱任塵緣便擬揮斜日  
誰能勒逝川  
一身期擺脫萬慮更拘纏未忍看星散  
聊爲計瓦全埋香棺並舉  
為弟婦黃氏人遣嫁犬  
潛牽  
為五甥女抱出嬌兒祿遙歸寡婦船  
陸姪依其舅母黃氏寄居日久  
不將難了事更累  
後人肩  
以上數事皆一月之內咄嗟立辦

晨發燕子磯薄暮抵揚州

蒲帆高曳曉雲輕兩日征途一日行駕穩長風持正舵波濤雖險不須驚

過寶應訪王少林同年留飲十三本梅花書屋即席賦贈

春風乍綠江干草故人來訪衡門道登堂一笑手相持未叙寒暄先訝老憶昔春明散綺筵  
斑駁驚馬共揚鞭自從殘雪題詩卷又已茫茫廿四年辛卯歲會于都門光景催人駒過隙  
偏是良交易離別此後相逢似可期東西嶺嶠同明月少林橋殘雪行卷詩牌遍抹日西  
執銜手分襟更破顏應知難免梅花詔頭白愚公又出山西余亦當赴嶺南

途中遇雪

野曠風狂萬騎騰敝裘吹透兩三層壓偏席帽人衝雪響振連錢馬滑冰亂草臥僵孤戍卒  
疎鐘敲斷破樓僧饒知氣候分南北二月嚴寒歷未曾

晚過趙北口

萬頃河流一線堤波聲人語聽依稀煙沉凍樹連村暗風翦冰花作雪飛當日滹沱徒戰地  
即今燕水護王畿不須惆悵征程晚尚有漁舟夜合圍

與屠笏崖紳同年別三十年乙卯春仲相晤都門樂數晨夕笏崖將返滇南同人祖餞

賦詩盈册余亦有嶺南之行情不能已勉賦三絕句即以誌別

羣英當日賦瓊筵青鬢輸君最少年笏崖登進士夢歷紅塵三十載白頭重對杏花天

著成瓌結繼虞初記勞壁瑣姑雜刊買得新花玉不如時新納遠道未須嫌寂寞美人伴讀古人

書打起驪歌送遠征勞勞我亦出都城嶺南煙雨滇南月贏得吟懷一味清

喜晤張船山太史問陶



太史豪情李謫仙宮袍常染御爐煙天因述作生才子人不風流枉少年白首訂交憐我晚  
青雲得路讓公先匆匆聚首匆匆別那惜香醪斗十千

簡齋兄八十壽詩

山人八十壽海內萬篇詩都已欽嘉詠何從更屬詞未能工鼓瑟且自學吹箎請着稱觴隊

伊川鬢也絲 六秩猶無子八旬兼抱孫二星明並照惟兄十餘今二老座雙尊亦七年

九十好語常盈室乖音不入門名雖遍天下家祇住荒村 夷惠巢由外生涯別有涯青雲

交國十絳帳列羣花近年來女弟子從佳句貪如寶名山到即家天人助遊興老境益豪華

性耽書作癖筆健虎生擒慧不參禪偈慈常具佛心豪誇修譜食富集賣文金伏處兼

聞達遭逢邁古今 未授朝中杖荷衣當毳袍名從官去顯望共齒爭高任達身常泰平

生首不搔聰明都占盡難繼笑兒曹 骨相煙霞鑄鬚眉秀采多談天詞倒峽說鬼口懸

河帶緩袍寬曳禪長履慣拖山頭閒拄杖人指歲星過 嵇康饒放達老子務和光峻判

高卑岸寬分上下床怕拘前輩禮善入少年場宴笑無虛日眞狂本不狂 一生無拂逆

白首任蕭然事每邀天幸交多結宿緣飲懷歡便大書法老偏妍薄海欽名壽非仙已是仙

出都門

廿四載重遊夢境歷情愴都市自繁華規模益宏敞欲賦帝京篇頽筆愧摹倣老我落窳遊

看人扶搖上謂是故交稀轉幸新知廣酬酢分瑤箋宴飲拜嘉餉都無官習氣乃得眞疎爽

左遷沐 君恩遠邁愁朋黨程限難遲留風塵事鞅掌羸僕三五人做車一二兩坦坦度嚴

關悽悽成獨往得失亦何常生平足慨慷老馬負鹽車可作重來想

途中上巳

最好春光三月三東風緩緩送征驂飛來雁陣多趨北聽到鶯聲漸近南吟興狂逢晴益暢  
歸程急趨晚猶貪慢嫌旅舍蕭條甚一饒村醪也自酣

書荏平旅壁

一條驛路接關河燕燕鶯鶯盡善歌不解東君何意思風塵狼藉落花多

初春過汶上葉春樹題大尹極情文欵洽歸途值大尹公出投詩誌謝

入境饒知大尹賢四郊風景兆豐年柳陰夾道青成巷麥浪盈疇綠到天投轄久欽多意氣  
扣關深恐費周旋郵亭重對春燈晚聊託巴吟當謝箋

將遠出以家事安置兒輩感而有作

大被尙堪眠廣廈猶思庇枝折本多傷源出派即異欲爲瓦全術苦作瓜分計我未承祖業  
僥倖室苟完熒熒孤若寡重負一肩擔八十三丁口聚如眠箔蠶十載苦支持一朝成獨斷  
無始應無終有聚必有散否泰互乘除那得容成算兒子繼世業猶子一本情壻旣我嬌客  
女更吾所生聚也共安樂分也各栖托一體視同仁何判厚與薄人論自囂囂我心殊落落  
安居小有宅負郭薄有田不騎款段馬亦差足自全衆心初慘惻繼亦各籌策如燕爭啣泥  
如蜂紛釀蜜長物任取携都不遺餘力半生辛苦業鼎足成三分尙餘兩弱息飄渺寄浮雲

端姪慶兒稚齒隨行尙無所授貧我得還我失終勝與他人

慶兒生井序

幼子伏兒性聰穎喜讀書日恒執卷作嬉戲他兒或相奪即護持若珍寶五歲能辨四聲百試無訛每余吟誦輒倚膝側聽授以詩朗朗成誦其母香宜吳姬卒次姬丁氏撫而育之六歲讀詩經半部唐詩百餘首皆爛熟如瓶瀉水甲寅夏忽歿於痘余傷之刺骨至不忍作哭兒詩越月丁姬夢老媪謂曰以一子相贈須自往擇之引至大廡宇見數十小兒列坐高下東首第三坐伏兒在焉招之即躍下執手呼阿嬾媪曰此兒何如姬曰是我家人也曷即見還媪於袖中出硃筆曰誌之當有驗姬受筆點兒眉叢間遂寤即以語人都不爲意未幾有娠及誕生眉叢間硃記宛然隨園老人錫名曰慶兒

老翁六十五又見一雛生縱是誇強健何能待長成紫胞看共異其胞色紫朱點認猶清幻化方疑夢重來倍感情願兒忘結習切莫再聰明

答姬傳同年賀得子之作

湯餅筵前笑語新白頭人抱再來人慢嗤樹老猶生果祇惜花開不及春旣以雪泥徵幻夢可能金粟認前身憑君悟徹菩提旨請試啼聲辨假真

附原作

姚鼐

聞香亭同年得雄之喜爲去歲所失小郎重生極有徵驗賀詩一章

普門大士感脩熏福得兒重乞細君正似吾鄉張太傅再招東普大將軍文端太傅兄敦哥母夢王

金環桑穴真堪信老蚌珠胎倍可欣逸少諸郎他日貴不妨小者最超

羣

敦而死亡而夢其再至生文端

和王栢崖少尹贈行之作

一丈蠻箋一首詩詩情書法兩爭奇身閒好借官充隱名大何嫌職就卑伏處未能容我老  
此行甯止畏公嘖嶺南瘴雨江南月珍重同深萬里思

登程

恆產分都盡不行將若何身如騎虎背耳怕聽驪歌暮齒追殘照雄心托逝波生平離別慣  
此別黯然多

書感

草草行裝落落身更將白髮染風塵出門眞作浮家客共載還携抱病人同行只一丁暮  
景縱然難勝曉秋花何必不如春六千里路重尋去且到通津再問津

舟中不寐

晚繫江干一櫂輕戍樓人寂不聞更終宵醒抱秋衾臥怕聽風聲愛雨聲

阻風牛頭港

晴日滿汀洲西風吹不休有心馳驥足無力挽牛頭靜坐虛長晝清吟愛早秋幸携書可玩  
何用酒消愁

過蕪湖懷張芷庭

士範觀察陳岸亭聖修大尹

十載來過舊雨涼分明小劫易滄桑請關有待思公瑾投轄無人憶古狂草聖尙餘遺碣在  
枯禪不庇後圍荒敦儒佞佛紛同異總付春風夢一場

觀察善書敦理學大尹好談禪兩公  
議論常不洽大尹在任時携陳園今

泊櫓港登高岸對長江夕照望九華山

萬頃長江望眼空  
九華依約隱芙蓉  
紅絨霞脚明千疊  
青入雲根聳一峰  
風送葉舟遙更小  
煙沉茅舍晚尤濃  
擬將粉本圖橫幅  
惆悵禪關響暮鐘

江干月夜

阻風華陽鎮

月上江天淨  
煙生洲渚廣  
輕波搖碎金  
叢蘆戛清響  
夜靜發天機  
境空無滯想  
縹緲溯征途  
豁達開心賞  
身世自浮沉  
風濤任來往  
兩槳出前灣  
罟師方弄網

次夕復對月

無風舟不行  
小泊成久處  
秋月肯隨人  
重來照行旅  
久坐憑虛窻  
流光下前渚  
破寺咽殘鐘  
疎林響寒杵  
隔岸一燈明  
蘆中人細語  
惜無尊酒歡  
更乏唱酬侶  
明夕期舉觴  
問月許不許

江干晚眺

萬頃澄波似不流  
夕陽淡瀉水天秋  
遙遙片葉浮空下  
漸近居然是一舟

蓮花瓣

小舟皖江一帶多有之

巨艦乘風便無風  
怕逆流不如蓮一瓣  
踏浪似輕鷗

守風日久兒輩意多不適口號以示

既已登長道  
前征莫厭遲  
放平心靜守  
總有得風時

過彭蠡湖

前水望忽寬  
北風吹正急  
巨艦駕長鯨  
奔騰奮直入  
黃濤捲地搖  
白浪霑天濕  
轉帆桅側臥  
觸溜船豎立  
浮沉寄縹緲  
生死判呼吸  
暖境危心轉  
壯波長行更疾  
顧盼興未終  
須臾險已出

振舵女兒港西山猶朗日

大孤塘對月懷江左眷屬

秋月如惜別到處相追尋  
昨照江水闊今照湖水深  
江水更湖水悠悠行客心  
愁聽關山笛空憶邱中琴  
有酒徒自酌無語更微吟  
老少各遠隔魚雁空好音  
憑月縱遐矚借月滌煩襟  
含情正東望且莫便西沉

十五夜吳城鎮對月有懷

時兒子炳蘊山婿隨行而媳與女皆在江甯

不知今夕是何夕蟾蜍飽滿懸  
瑤壁扁舟蕩漾水天長  
水色天光同一碧連檣千萬集  
迴塘估客舟師盡舉觴  
共樂中秋好明月滿河燈燭搖  
星光憶得年年舊居邸銀河滿院清  
于水女兒拜月出簾櫳團圓宴  
笑清光裏別來未及九秋霜  
望去修逾千百里懸知閨內各含  
嘖明月雖親影不親  
指數圖經心共遠望穿寶鏡淚盈巾  
還憐南國今宵月更照西江何處人

十六夜登滕王閣遠眺

三江襟帶五湖寬一片煙波萬古寒  
八月秋光剛滿閣十年遊客又憑欄  
眼中山水仍前跡夢裏星辰憶舊歡

謂秦方伯雄飛杜靈湯葛棠周克開三觀錄

獨有姮娥情最久清輝還比昨宵團

大風連夕不止

北風狂肆力不許水頭平亂湧濤橫擊高吹月倒行  
三千藤甲陣十萬鼓鼙聲巨艦如箕簸  
終宵旅夢驚

百花洲感舊

碧琉璃水瀉秋空樹影樓臺四面風舟小只疑搖鏡面湖寬不信在城中  
羣英此日修文戰

秋時方上將當年習武功宋張澄子湖中習武十載重來人散盡白頭吟斷晚霞紅

### 過豐城

未能資博識寂寞過豐城劍去池常在秋清月更明良工寧銜伎神物耻藏名夜靜看牛斗猶疑紫氣橫

### 舟行峽江道中

雲嵐萬疊肆縱橫高曳蒲帆曲折行秋水碧如春水嫩晴沙白勝雪沙明每疑岡轉難尋路可惜峯奇不辨名似有人家在深樹遠風啼出午雞聲

### 過嚴金渡

古渡何年傳至今渡頭浪說雙南金荒沙兩岸互迴曲急水一條時淺深白瑪瑙光動朽剝碧珊瑚樹連夕陰迢迢玉澗三十六輪與漁人朝暮尋

### 舟中雜興

水驛重經愧感兼圖經彷彿記郵籤斷橋疎柳斜陽岸還是當時舊酒帘晴日波光一鏡開片帆搖曳任徘徊江湖水性何嘗險都被狂風激出來沿灘魚網列西東十網扳來九網空能耐風波無耐性也難江上作漁翁大船安穩小船偏負日拖風一纜牽每到急流爭捷足大船輸與小船先天縱遙青水蔚藍綿延兩岸疊晴岳疎林煙薄遮難斷一片斜陽數片帆新秋晴日弄清和欸乃聲兼權女歌欲買鱸魚偏未得沿江紅樹尙無多峰峰文筆秀摩天江左文章每占先可奈吉陽洲畔水多年不繞鑑湖弦

諺云水繞鑑湖弦吉陽出狀元鑑湖

在吉水縣

四郊多稼幸年豐萬頃黃雲映紫楓却笑蔗畦開徧野更無人種水晶葱  
行篋携來盈筆札投書渚畔費沉吟也思盡付東流去恐有家書抵萬金  
行過贛南灘險盡九江水剩一條流遙山讓出閑田地兩岸平疇萬頃秋  
淺水纔能沒半篙中流洽洽可容刀一羣鷺晒銀沙白錯認秋波捲雪濤  
河身曲曲水逶迤流急船輕欲上遲忽轉前灣風借力卸帆正好夕陽時

重陽前三日過九日山下

山在南康縣界

九日山名好還先九日過泉聲分笑語松韻學笙歌水落荒村遠樵深仄徑多何人充小隱  
門外滿煙蘿

小溪

小小迴溪曲危橋一徑通水清沙騁白花落草偷紅酒旆疎林外人家夕靄中布帷青翳笠  
村婦亦漁翁

野泊

數舸聯檣泊遠濱漁燈一點借為隣夜深霧露濃蒸水野曠星辰下逼人海國正飛遙塞雁  
秋風空憶故鄉莼孤吟也自饒清興不用驅愁酒入脣

晚興

緩緩征途溯逆流似貪山水縱閒遊寒花繞屋野村晚落葉打船荒渚秋天闊何妨隨雁遠  
舟輕却好學鷗浮蒲帆略借微風力便趁夕陽紅處收

投書渚在南昌府西石頭渡側



灘河行

一里三四灣灣灘截路水淺吼偏高石碎觸易怒齒齒清可憐刺刺鳴堪怖高帆張難前  
長篙撐不住舟子纜遙牽迢迢越遠渡踏水學鷗浮曲躬擗鶴步一步一退延一灣一迴顧  
未上兩三灘西峰日已暮回思十八灘灘險人知懼及經淺水河不作濡首慮豈知危險機  
不盡須防處寄語持舵人莫爲淺水悞

南安道中

長林豐草遍汀洲岸轉灘迴曲更幽山勢壓臨篷背上泉聲飛出樹梢頭梅花國近宜新月  
橫浦關高接素秋十五年中三過此一回過此一遲留

曉行

但見濃煙合難分遠樹林峰紅知日曉水碧認潭深寒渚雙鳧影秋空一雁心篷窻閒徙倚  
霜色澹孤吟

曉過雙牌峽

距大庾二十里

翠峽陰森曉色凝一舟安穩繫長繩嵐頭似劍攢鋒峙水氣如湯帶濕蒸荒磧燒枯黃蝶草  
寒松纏老赤龍藤怪來幽邃無人境高語誰從谷內應

大庾旅舍廢圃

亭軒何寂寞水石剩清華山近壓門倒沙虛折徑斜疎林紛落葉老樹獨開花十載滄桑易  
臨風一歎嗟

九日度大庾嶺

又上高峰望海涯白頭人對舊煙霞忍拋江國重爲客縱到蠻鄉豈是家一出便應名小艸  
再來能不愧梅花披襟近日亭中坐頭上青天日未斜山頭有亭額曰孝頭近日  
正逢重九束征袍匹馬登臨氣更豪俯首試看今日會置身誰似此山高千盤磴道開雲路  
萬疊岡巒駕海濤不怕西風吹帽冷桃榔酒可當葡萄

登嶺

趁曉登遐嶺煙雲疊翠濤聳肩摩碧落縱日極秋毫方慮危難上不知身漸高山靈應笑我  
此度第三遭

登景賢亭憶張香瀾孝泉太守

山半一亭高建自張公手公自景前賢人又景公後去思碑久湮斯亭高不朽固知種甘棠  
勝似栽桃柳憶昔列同官雅懷共詩酒公性好孤吟吟苦日搖首日公暮年病頭不搖不止我狡鬪敏速  
往往掣公肘公不怪我頑乃更交我厚中道朗遐矚脫屣歸林藪照寫琴鶴圖徵詩遍僚友  
十載悵琴亡一坵空鶴守菟裘淞水遙祠祀桐鄉久見亭即憶公公名滿人口我知公吟魂  
應不離亭右憑欄誦公詩公尙能憶否脉脉促征驂夕陽下高阜

望夕泊始興江口

舟易小貪程停橈越二更度關峰漸異照我月仍明夜色澹無極秋空靜有聲詰朝問前路  
水到曲江清

自始興至曲江百餘里內山勢奇特莫可名狀絕少靈秀之氣只覺陰森逼人口占四

韻以志其略

鑿殘混沌五丁猜，誰向洪荒造樣來。  
鐵盒圓承蠻露，捧楮扉橫架斷崖。  
開長城截岫，懸雲棧大燾摩空。  
蠹石臺陰靄逼人，毛髮竦莫將蜃市擬蓬萊。

阜石山

俗名太子山在英德縣北

巨靈運大斧，中劈峭崖裂峻削。  
千丈岩壁立一片鐵色，奪蒼帝青膏凝太古血。  
高遮兩曜輝陰靄，四時結魍魎未能藏。  
猿猱不敢穴其巔，有飛仙空聞樵叟說。  
我來正深秋，炎氣翻蒸熱。及從山下行，寒風陡凜烈。  
大塊互陰陽，蠻鄉異時節。既過試回頭，不語惟咋舌。

過韶石山

怪石森森列翠岑，曾供拊擊佐虞琴。  
樂章久已無韶護，滿谷清商弄古音。

雨中看雲山

羣峰爭出雲峰峰，亂翳塞初若布軟綿。  
繼乃潑濃墨上歛青天，青下接黑山。  
微風忽動搖急雨來，頃刻鳥雀陣排空。  
水犀軍鬪力跳波浮漚圓，坐煙帆影直如入混茫遊。  
莫辨蒼翠飾迴看峰外峰，大叫恣驚惑近峰。  
黯嵐光遠峰明日色晴雨共一山，造化炫奇特陶謝詠難工。  
高米畫不得，篷窻看雨多。此景生平極。

抵羊城

孟浪浮家到海邊，又將霜鬢染蠻煙。  
好山好水四千里，愁雨愁風七十天。  
且耐秋光消永日，慢勞春夢憶當年。  
無端老婦爲新婦，低首含羞畫閣前。  
滿眼相逢舊識無，姓名欲道色先徂。  
雲龍自可仍相逐，牛馬何妨且任呼。  
遞說新聞多駭異，試尋往跡半模糊。  
獨餘珠海清宵月，認得今吾即故吾。

寓齋小憩

候鼓常趨走休期暫息勞老偏遊絕域詩獨耐閒曹入座故人少隔牆隣樹高何妨塵海裏

仍自掩蓬蒿

牆東為廣州郡署西園

寫懷

不解逃禪不放參寸心中自有瞿曇既為噲伍何須耻曾在盧前久負慚雲到孤飛難作態酒因強飲那能耐更憐明月清宵影遠隔江南照嶺南

奉委赴南澳

忽捧嚴疆檄投艱路更遙平分閩嶠月保障島門潮渡海憑鷁艦乘風破蜃橋鯨鯢莫相笑

頭白老班超

南澳在潮州府海外屬閩粵兩省距羊城千八百餘里

坐席何曾暖飄然又遠征浮生未歷境垂老復經行家累為誰重宦情空自輕前程安可問

惟祝海波平

過博羅望羅浮兩峰為雲氣所掩

塵容抗後冷雙眸縱見雲峰也自羞不若深藏邱壑意常為蝴蝶夢中遊

度老隆山

龍川縣二十里至老隆赴潮陽者須遇陸行登秦嶺過通衢城度藍關至岐嶺六十里中高低起伏忽上忽下岡巒之邃密林木之鬱葱遠勝梅嶺數倍過岐嶺至清溪十五里尤羊腸鳥道曲折盤旋或長橋架空或危石礙道奇險百出即謂之小蜀道

也可

莽莽行踪徧百蠻又登秦嶺度藍關壯遊未即遙浮海老眼先容飽看山古蹟何妨隨附會  
名區且喜遂躋攀但添雲棧懸千尺似覺蠶叢亦等閒

秦嶺

峻嶺橫天表峰奇徑獨幽蝸旋山腹裏蟻轉樹梢頭凍日凝風澹寒雲過雨收迷離望鄉國  
我更舉家浮

藍關謁韓文公祠

萬峰環翠結氤氳路入潮陽自此分八代文章關氣運千秋祠廟享煙雲當年立馬逢殘雪  
此日臨關悵夕曛何事鱷魚驅得去山前狼虎任成羣

書感

崔苻四面亂縱橫浪潑山圍斗大城冷宦守邊空畫餅迂儒垂老忽談兵驅除有策憑誰助  
調遣無權枉自輕但願天工排險陣置之死地竟能生

山上流泉

百丈飛泉界道開遶林穿磴響如雷尋聲直到高峯頂頂上源仍地下來

過山至清溪登六篷船

纔度山程又溯川白頭人上六篷船竹枝夾岸空傳曲花片黏衣不破禪雪霽月光寒弄影  
冰輕水色淡含煙

前夕微雪晚見薄冰皆未  
十年前嶺南所罕有者未知風氣緣何事也與繁華共異前

即所見書感

六篷艇子小如蝸敢把灘河作絳河堪笑銷魏眞色少可憐枉死少年多蠻妝厭著鴉頭襪

潮調爭翻壘舌歌試問當官賢刺史排衙花底殆如何

程江舟中作

自長樂河口至三河壩一百四十里中大小七十二灘如銅盆馬口盜骨蓬萊等灘較西江之惶恐天柱艱險尤甚而來往潮閩者視若坦途絕未聞以險阻名殊不可解

會歷贛南灘十八又從七十二灘行宦途多故原知險江水何心也不平風激逆波翻坎珂星羅亂石肆縱橫圖經徧誌艱難境却怪程江獨未名

下蓬萊灘

俗稱蓬刺灘

蓬萊神仙窟或無亦或有何以落人間塞斷要路口不見三神山惟聞亂石吼高浪挾天飛奔流捲地走豈值清淺時六鰲閒俯首噴吐蛟龍涎遏抑魚鼈到灘先寒心弄篙齊掣肘瀉如箭離弦速若丸脫手出險人爭前殿隊我甘後麻姑手亂招遙送一盃酒

舟行卽景

嚴灘過盡碧流平對岸山圍兩槳行羣岫蔽天常似晦一峰漏日始知晴漁舟網小看難覓樵斧聲高聽若驚去去故鄉行萬里潮陽還隔二三程

臘月將半見紫燕羣飛

蠢類經冬蟄羣生應候宜正當風凜烈那得羽差池長物看何異非時見便奇豈因春信到惟爾已先知

舟行口號

結屋誅茅逕不分居人強半鹿爲羣忽看湧出林梢白道是炊煙却似雲

雨中漫興

船頭箕坐獨持杯正好看山雨忽來峰巘半空雲截斷橋通別浦水分開官閒偏耐程途遠  
臘盡頻驚歲月催賴是布帆輕借力春風先向海濱回

夜度白石嶺

連日北風甚烈是日轉東風

薄薄冷雲垂濛濛涼月影危徑忽騰高言登白石嶺磴道曲折盤層層越峰頂石壁生鑿開  
不容雙足騁天險九折共人力五丁併甫上若升梯旋下如墜阱臘月過已半絕無霜露警  
艸根蟲亂鳴坡際麥垂穎驚心異常候騁目駭殊景但覺置身高不知寒夜永

渡海

南澳在海中自樟林渡海面九十里自黃岡渡海面六十里自柘林渡海面四十里

萬頃碧琉璃雙瞳先淨洗翠至大洋則黑數點山浮空四面天垂水騰身登巨航不渡勢  
難已初出列嶼間漸入重洋裏由內洋入大洋雨細風不生水搖浪自起軟曳練橫揉突激峰  
直峙變態出須臾奇光閃黃紫濺沫潑頭上埋舟入坎底尾低首倏昂左仄右復倚人若釜  
內魚身作箕中米胃反欲嘔心頭眩強叩齒相視面如灰同人類盡泚喘喘忍顛危頻頻問  
遐邇常恐值飄風一駛數千里出險試凝眸得岸已在彼拂拭濕衣裾檢點舊行李舉足踏  
實地危岡若平砥回首一長歎已渡海來矣

抵南澳

望外三澎遠中澎南澎北澎在澳後大洋內寰中一島孤水搖山欲動天闊地全無自古稱荒甸於今入版  
圖安期何必羨身已在蓬壺

南澳官舍荒廢假學海書院以居獨坐偶成

假館爲公廡煙嵐作四垣窗中開海市床上枕山根

院因山爲屋山石嶂靄晴生幕驚濤夜

打門獨攤書一卷無奈是黃昏

南澳感賦

猶聞風景說當年海外分明別有天地僻無妨仍卉服庭閑兼可廢蒲鞭漁鹽利足供民課  
詩酒緣多愧俸錢身在蓬壺高處住人稱司馬是神仙

風雨閑齋蕭然自遣

雲如潑墨雨如絲齊向幽齋助詠詩署古正於年最稱曹閑况與性相宜出山便已非良策  
泛海何容計返期莫向風前過惆悵枉添衰病費支持

夜靜書感

沉沉風外漏聲停酒不禁愁醉易醒海氣燭天如月白嵐光入幕逼燈青衰年翻作辭巢燕  
薄宦真成逐浪萍夜靜遙聞鼙鼓震櫓槍誰爲掃妖星

時海上  
有警

書事

將軍樓櫓擁高牙分隊聯檣遍海涯甘臥貔貅爲最屬養成蠨蚪作蝦蟆驚心羽檄雷霆疾  
放胆遊魂歲月奢安得繡帆風便利龍驤一鼓下三巴

南澳閒詠

地遠春殘滯海涯縱無家室也宜家雙栖簷下夫妻雀  
土人謂家雀爲夫妻雀 聯袂籬邊姊妹花入口  
莫名多菜莢辨形不識盡魚蝦門前鼓吹三通鼉吏少官閑早放衙



巡雲澳

近無保障遠無垣東粵南閩盡極邊四澳之中全少地三澎以外欲無天

三澎者南澎北澎中澎三山排列當深二澳要險

萬古遺魂招不得危樓空倚暮山巔

太子樓在雲波山絕頂

和姚姬傳同年寄懷原韻

身臨絕域怕回頭長嘯時時獨倚樓豺虎亂生蓬島霧魚龍高弄海天秋愧無良策除張魯恨不乘機襲蔡州寄語故人應拍手迂儒垂老佩吳鉤

學海樓寫興

百閩百粵扼咽喉險要中間絕等儔海向北傾疑地坼澳之南面汪洋無際水從西至接天流三山過兩齊開市一劍臨風獨倚樓壯志消磨都已盡敢將吟興傲滄洲

南澳八景

金山浴日

全澳羣山主縱橫百里長樹從波借綠峰與日爭黃浩蕩摩霄漢崔巍鎮土疆轉因堪砥柱孤立棄遐荒

青嶼浮天

金門洋面闊天與水相和孤鳳遠垂翼一螺晴戲波占來名嶼小分得夕陽多終日遙相對浮沉待若何

三峰珥筆

四澳平圍海三峰高插天同岑濡雨露各體寫雲煙不借珊瑚映還如象貝聯要能搖五嶽  
須杖筆如椽

七礁躔星

礁石如煙島分羅遠海濱映天排北斗畫地界南閩壓浪浮終古凌虛絕點塵舟行慎趨避

愁殺往來人

七星礁在大洋為粵閩分界處礁西屬粵礁東屬閩

龍潭曉月

水面香涎溢潛龍應在中潮來千壑滿月出一潭空鮫女綃難覓漁人網可通清輝澄到底

寒影透晶宮

馬井朝煙

澳入圖經始原因井得名源仍資瀟潤味獨比泉清霞帶遙峰遠煙鋪細浪平何當邀陸羽

煮茗更餐英

宋史建炎十二年帝至井澳即今之南澳其地始見於志傳

雄關雨澄

百磴盤雲上橫當兩界中鎮山形自勝駕海勢增雄俯矚鯨波靜高吞蜃市空全城資保障

不許逕旁通

雄鎮關在深澳雲澳之中

古寺晴雲

寶刹何年建岩巖聳碧岑樓迎新日曉殿宿古雲深風引歸樵唱鐘沉老衲心下山看不見

一片綠陰森

即靈巖寺以常有青雲覆其上故名

臘月廿六日立春

陡轉陽和氣春深臘未終寰中同化日海外亦東風嶼草爭抽綠山桃盡放紅餘氛吹暖律

應卽化沙蟲時海氛未靖

聞階下蟲鳴

一燈一影一齋清海外初聞候物驚纔入新春三兩日螻蛄蟋蟀滿階鳴

除夕

家分數地繫離思老夢難從各地馳孤島遠浮天盡處一燈枯坐歲除時寄書有雁愁程遠  
守歲無觴厭漏遲身似蝸牛心似鹿此情未必幾人知

紅豆村人續稿

卷一

紅豆村人續稿卷一終



紅豆村人續稿

錢塘袁 樹蕪亭著

卷之二 丙辰丁巳戊午

元日登學海樓望海

元日登樓望海濱水天剛喜淨烟塵欲窮島嶼恒千里除却波濤少四隣風靜魚龍咸就窟  
山晴鳥雀自鳴春東皇覆育無遐邇荒嶠韶華一樣新

人日書感

一城孤立海中央四面鯨鯢肆蹶張但見擁戈誇勁旅徒聞搖筆議戎行愧輸韋虎揮如意  
敢學王羆待炙床獨向風前搔白首水天身世兩茫茫

十五夕托總鎮招飲看花燈烟火兼登鳳凰樓玩月

客從海外來燈正城中開元戎戟門開廣讌招同好全羊烹肥鮮佳釀啟陳窖細拍弄秦聲  
清歌雜潮調前堂飲興酣後院春燈到喧闐金鼓鳴宛轉侏儒效燭龍爭夜珠奮爪恣雄鷲  
神魚瞰禹門啣尾騁騰蹕火蓋撒珠纓塔激飛爆金蓮遍地生流星蔽天耀場寬儘角奇  
藝多各盡妙須臾百戲畢疊更已三報讓出一輪月皎潔當頭照

廿六日至柘林海海岸值風雨大作不得渡假村舍以居

海風無定吹海水無甯波晴日渡尙怯更值風雨何望洋雙目炫高浪比山多難登海舫舶  
寄宿蝸牛窩寄宿初惆悵轉念忽歡喜冬春雨澤稀麥蔬乾欲死炎方東作早秧田無寸水  
正苦盜如雲何堪珠作米一滴一黃金滴滴人心裏願風吹少停願雨下莫止連日霑甘露

久住何足齒

廿七日渡海浪猛風狂備極驚險因投隆澳登岸

好雨夜偏止狂風晨不休貪行忘冒險壯膽強登舟出港方振舵逆風頓打頭舟師習水戰  
時借乘營  
中階船氣與長虹謀巧騁之折駛搶勢迴旋遊奮人大金門青嶼扼咽喉十上復九下左  
轉仍右留憑虛葦莫藉刻舟劍可求低昂一浪起綿軟四體揉洋寬旋莫下颺猛篷難收爭  
進乏募力擬退阻龍湫四顧莽無極虞淵日色愁倏爾就西泛轉向隆澳投櫃衣登彼岸魄  
定魂尙浮

巡隆澳

正欲巡隆澳天風吹到來東道逢嘉主  
假寓海山場傳  
雨村大使解連夜啟春酷熨我身委頓澆我心驚  
歷三更就高枕一睡鼾如雷詰朝相形勢宛轉越崔嵬謂是島嶼隘乃竟邱壑開八村星羅  
列三面海濼洞民風守澗朴鷄犬無疑猜爲農薄畔作爲士斂浮才滷池布高下網椿密安  
排彷彿浮一葉分明空九垓若無粒食累更絕寇盜災甯止賺漁浦直是小蓬萊

廿九日由隆澳越嶺至深澳值大風雨

海風大於天海山高無量山裹風輪中人行山頂上風欲拔山飛山敢與風抗本無路通達  
強就天依傍轉仄觸蠻丁劊斷失良匠壘礧聳危梯列級疊層浪頭仰方懼壓踵旋頓迷向  
細徑忽沿邊側身與石讓半面俯虛崖莫測幾尋丈心共懸旌搖輿作紙鳶放雨來白烟生  
濛密濕重續須臾蒸成雲藉以當屏障峻極復臨深雙眼不敢望崎嶇萬千盤變幻頃刻狀  
耻爲楊朱泣強賈王尊壯置身與置足全無一穩當途危竟至此嗒然神志喪

携炳兒渡海詩以示之

携汝同浮海須知用意深艱難恢壯志閱歷醒童心官冷無餘俸年衰但苦吟青山拋白骨或免遠相尋

小憇李氏園亭

小憇逢幽館偷閒俯曲池雲行山亦動風到水先知避餌魚依藻窺人鳥坐枝沉沉醉春意渾似在家時

春朝

條已春將半人猶海外停繞簾蠻瘴白壓屋島峯青地險艱謀略愁多汨性靈惺惺度朝夕不辨醉和醒

南澳二首

四澳曾無百里寬南澳中復分爲青雲陸深四澳家家門徑繞狂瀾蠅巢蚊睫何知小蟻聚槐根儘自安討海途危偏可樂澳民不事耕作咄山利普轉辭難分明寇盜紛爭地風雨

吳平寨尙寒前明海寇計朝光利漁監謂之討海存

寥落荒城祇似村四門猶自閉南門澳形方有郭無門風生面面搖山影潮長朝朝認岸

痕峻嶺有樓傳泰字宋主昞因風悖卒樓于漢中更名泰字荒碑無墓弔忠魂陸丞相秀夫相傳葬青徑口今有碑

春來絕少溫和氣冷霧蒸成瘴雨渾

和傅雨村大使春夜偶成原韻

一窗微雨逗輕寒坐盡殘燈興未闌花落階前春正半客來海外影常單宦情懶似三眠柳

詩味誰投九畹蘭悟得莊生蝴蝶夢何難隨遇且偷安

春日憶隨園

十年杖履暢追尋花裡彈琴月下吟過去何曾嫌日永別來條已及春深畫非共鑒難娛日  
詩未經評不放心萬里慢言歸路遠夢魂常到舊山林

春感

春風真好事到處弄晴光島冷雲偏熱天蠻花不香獨眠宵更永靜坐日增長試問還山計  
烟波正渺茫

荒齋

閒身拋卻入囂場卻向蠻鄉望故鄉竟假波濤爲傳舍若添魚鼓即僧房鶯聲妬客偏啼樹  
蝶翅乘風忽過牆辜負晚春時節好龍鬚空覆竹匡牀

春日喜晴

冷烟寒雨過清明幾日東風放好晴蝶壯敢凌高樹舞雀馴閑繞近階行山中作宦仍如隱  
海外無春亦有情徐福樓船求不得豈知身已在蓬瀛

圍棋

清簾疎簾畫景移煎茶閒共客圍棋慣輸有手虛成算爭勝無心任道馳本藉登場聊遣興  
何容審勢妄凝思錯投一子虧全局不待推枰早自知

島雨不止小病遣懷

雲搖雨動島孤浮三月深春似早秋老境自能甘寂寞病鄉難免憶溫柔未容拭目因拋卷



強欲披襟試上樓還恐六鰲隨釣去神仙遭劫也漂流

### 窮島

窮島無春色寒暄朝暮更羣峯聯雨勢高樹勒風聲豺虎同巢穴魚龍作送迎山根濤潑岸  
誤聽是雷鳴

### 荒衙

鳥遠衙荒少客過主人按拍鳥同歌榕撐朽屋開青幕苔襯空廳亞綠莎民俗似蠻還近古  
簿書雖雜尙無多但令海上萑蒲靖却也堪稱安樂窩

### 曉巡島岸由雄鎮關登金山絕頂

夜警妖星照水寒曉巡關隘路千盤松擎翠蓋烟猶濕草綴明珠露未乾頓覺心旌高更颯  
何期眼界老偏寬十洲三島分明近恨不乘風縱羽翰

### 春夜偕錢叅戎夢虎小飲

未靖鯨鯢浪常屯鵝鸛軍月光搖劍氣星影亂妖氛地險人難逸天寒酒不醺惟公能用武  
何怯盜如雲

### 樓頭對雨

山上高樓樓外臺明窗齊對海天開潮將平岸風初起雲始離峯雨已來縹緲遠難窮島嶼  
依稀疑即是蓬萊憑欄坐久心同化身世浮沉兩不猜

### 送春

九十韶華一瞬光滿庭寒翠尙餘香慢驚海外春偏短且喜人間日漸長柳不垂條難挽駕

花無婪尾懶持觴

海外無柳

東君似亦憐岑寂留住濃雲護石床

幾番陰雨幾番風染透青山落盡紅相送不離三島外重逢只在一年中寒暄莫怪匆匆異  
來去分明歲歲同終勝無情滄海水長流不轉竟朝東

### 署齋

莫辨朝昏影軒窗向北開雀喧長日暮鐘動晚潮來書帙頻生蠹庭磚半染苔分明卑濕地  
慚愧賈生才

### 假寓山園

園亭小住拓塵襟獨凭閑闌夜色深月影熨平池面鏡風聲彈出竹梢琴鷗容拳足多眠態  
鶴鍛修翎息舞心回首不堪追往事十年居處舊山林

### 五月十三日渡海至黃岡

壓定支祁浪全憑般若舟居然登彼岸不敢更回頭

### 六月既望金北莊分司招同韓蕡湖太守陪果泉胡觀察集鳳凰臺避暑

六月南風海上來滿城炎熇吹不開除煩滌溽期高爽相約同登郭外臺凌晨減從尋幽徑  
試探青天白日勝青天白日潮之勝百丈榕盤巨石根綠雲撲面神先定須臾同泛沙棠舟

金管瑤笙引漫流百里長洲千折水老鴉飛去鳳凰留其地舊名老鴉洲前明郭高臺崇隣

聳霄漢暑到窮簷吹盡散雲葉層層布遠陰蒲帆片片飛遙岸世間境地本清涼無奈人爭  
赴熱場暫解塵襟銷永晝可憐西嶺易斜陽斜陽影裏明孤鷺坐等清風下高樹不須燈火

駕星河月大如輪照歸路

卸南澳篆十一月二十日

一官兩省轄

南澳同知屬  
粵閩兩省

孤島羣盜數無地堪投足

澳四面皆海

有事多掣肘初期數月暫幾歷

經年久滿目飛樓槍驚魂繫刁斗心力既盡竭形容益老醜常恐玉門關生還事難偶忽有  
替人來肩纓萬鈞負雖非鸞鶴翔且遠鯨鯢吼還如振旅歸不作曳兵走回首謝蓬壺羣仙  
齊拱手

### 述病

艱危陷窮島膽落魂魄喪方幸脫身還遠作回頭瘴

處烟瘴數年同至內地病發者謂之回頭瘴十無一生

頭顱劈雷

斤肌膚炙火炕手足自拘攣咽喉扼屏嶂非死又非仙絕粒空腑臟生死境本空衰朽意尤  
曠但令無痛苦撒手殊蕭放徒聞地獄事傳言多孟浪豈期身偃仰愉恍神飄蕩竟被雙蟻  
車載入九幽壙陰山白日微夜市黃沙障紛紛往來影促促左右讓有萬態相乘無一語相  
向汚池血肉腥慘澹各殊狀愧無道子筆彷彿圖變相試欲述於人先自嫌疑妄

### 夜行

肩輿涼趁夜光凝前望須登最上層仔細曲尋沿岸路依稀遙辨隔林燈星辰疎處碧峰見  
鐘漏盡時紅日昇分明大有康莊在錯向迷途撥亂藤

二月六日邀同王木山明府李無溪州倅遊老君巖

俗名葫蘆山

坐觀稼亭聽智上人說因

果丁巳

出郭纔里餘耳目風景換山頽無峻峯徑曲轉斜岸出樹石幢高敲門雨花散大石亘天懸  
危巖斷壁斷空洞辟堂皇崔巍架輪奐夜靜月為簾雨來雲作幔淩虛無柱撐崩壓使心憚

岩外羅奇疆磊落肆雄悍榕根嵌石脈不土走虬幹山鷄迎客舞松鼠衝人竄行行觀稼亭  
小憩息衰傾煮茗試清泉衆景列几案西湖渺微波東山橫碧漢雙塔峙東西高城繞閭閻  
陰晴兩相宜韶華春正半烟沉樹色濃風過嵐光淡久坐忘世囂清機復平旦老僧悟微旨  
一笑復三歎歷數生平因榮枯同一貫大海本無塵浮世何妨玩到處有名山行脚無羈絆  
勒馬當懸崖撒手空前筭低首拜師言頂似醜酬灌不用打機鋒我心無問難

李無溪招遊韓山過書院訪葉石亭孝廉

印東山也以昌黎常遊其地遂名韓山

強換東山也姓韓遺踪千載共遊觀飛泉曲屈青蘿引濃樹陰森白晝寒瀛海之濱敷化易  
先生以後作師難春風重拂舉比座橡木分明繼杏壇

庭前橡樹傳爲昌黎手植因名韓木今木朽僧人以假代之

黃岡

時海潮州郡丞

又捧黃岡檄依然大海濱衙荒聲勢壯

極湫隘而門旗鼓吹聲勢赫然

俗悍見聞新遠竟離鵝隊兇偏接

虎鄰

東接閩壤時多盜賊之擾

不才甘棄置垂老感漂淪

和余秀才題紅豆詩稿原韻四首

半世辛勤數首詩西山日暮欲何之漫天瘴靄盈頭雪除賦歸來總不宜

山水知音自昔難鷗絃寂寞鳳池寒瓠巴化去鍾期逝不是新聲不可彈

壯志消餘一老翁水流花謝夢雲空曾經爛漫遊三島剩得冷然兩袖風

多君麗藻擷班香待買還爲韞匱藏知是家臨瀛海近雲濤盡捲入詩囊

浴心亭小集余松川秀才即席成詠依韻和之

匏繫徒慚吏隱兼自知衰朽被天嫌量低祇勝三巡酒署冷渾忘五月炎已失故吾心久淡

忽吟佳句興新添更深同聽空階雨尙恐沙塵澤未霑

時方望雨

答友人問歸期

試問歸途未可尋夢魂常繞舊園林虞淵影薄關山遠冰冷頭銜火熱心

月夜納涼花間偶飲

偶酌花間酒紅顏媚老夫月涼人易醉醉影倩花扶

署齋閑詠

老去情懷拙更疏海濱終日閉門居無顏再續思歸賦有筆時臨乞米書竹靜坐消清晝永  
榕高涼借綠陰餘長風吹過長天闊笑看浮雲亂卷舒

贈鄭葵圃大尹

家屏

使君才智兩兼長四十纔過力正強能受琢磨眞璞玉不虞缺折是干將身巡臬鏡週遐壤  
手握雷霆震一方慚愧衰庸空竊祿絕無良策佐龔黃

效香山自詠五首并用原韻

行年六十七猶自隨羣動時過運不來老去心難用既登傀儡場任作不倒弄問誰夢醒餘  
還續夢後夢浩蕩走風塵辛勤立門戶三五畝田廬八十口家主海上鶴相招邱中琴

莫撫蔗尾老能甘蓮心老偏苦前途惟有老何處更求歡澄心觀我易仰面看人難蝸

室僅容膝蟹俎不登盤曾無一斗米却是五品官白髮島上還青衫海濱滯黃緣看人

忙衰頽不自計靜守素位箴兼却養生劑若繪九老圖慚猶未及歲

香山九老會秘書監狄兼謫河南尹貞年未

七十雖與會不得入圖

雲物幻海天歸心滿江樹量淺怕提壺棋低竟輸墅前望杳無津後顧不

知處徒憐江上鷗烟波任來去

和余秀才見贈疊韻二首

之子今時秀遲聯玉筍班四聲諧正韻三昧扣元關細雨搖新柳輕雲度遠山試方詩選好  
機息隨鷗隊曹閑遠鷺班未堪開絳帳只似閉柴關地接東西海名慚大

小山遙遙望鄉國時羨暮雲還

山中夜行

行畏炎威盛程登薄暮天日沉千壑暗月出亂山烟斷岸泉聲細平岡樹影圓一襟涼意足  
犯戒亦蕭然

惠潮嘉道署舊有園池半就傾圯胡果泉觀察葺而新之池蓮忽開並帶同人謙賞卽

席賦陳二章

西園荷圃隱漁磯六月虛庭暑氣微鸚鵡隔簾翻翠羽鴛鴦照水浴紅衣亭臺影遠凌霄動  
歌管聲清繞樹飛日暮香風吹不散碧筒傳飲醉忘歸

結搆無心任化裁幽尋奇石剪蒿萊園因運至從新勝花得機先異樣開獨挺金莖承合蒂

雙扶極品上層臺誰移四葉分枝種疑在琳池放櫂來

有石如筍梁瑤峯先生題名于左

得隨園書

江南一片月照入倉山深山中有逸士常懷萬古心昨日南風至吹送瑤華音上言冬遊壯  
下言春病侵強分吏隱跡耻進友于箴但問蕭蕭髮可復能勝簪捧書長踞接開帙九回吟  
含情比瑤瑟真意逾堅金一別似未久三年倏至今前途萬千里後顧分寸陰已悵離與別

苦熱行

兩地情難禁何堪衰與病更復遞相尋渺渺滄海水遙遙江樹林猶幸魂不老時遠翠微岑  
地極南陸高海蒸炎氣旺赤霞煨青山白日煎紅浪庭軒鼓洪鑪床榻熨火炕喘吭鳥歛音  
袒裼人無狀靜躁失調停動息增煩惱不忤亦汗顏非疾嬰疲恙縱欲擣蓮花碧芳飲難暢  
賴是簿領閑足任形骸放試理冰絲絃高歌小海唱火速祝星流復我秋懷曠

和余松川立秋原韻

盼得秋風至經年舊約賒驅炎歸海國添興入詩家桐樹初飄葉荷池未隕花看山涼意動  
正好岸烏紗

署齋逼窄就北窻稍葺小圃

十笏初開小圃新北窻高敞寄閑身略移花竹尋生趣試理琴書訪故人絃誦借消長日夏  
栽培還待隔年春江鄉記得園亭樂慚對秋風說憶蕪

答梅隅菴

春去花減色年衰夢無情豈知洛生咏竟作老婢聲途窮轡難馭計左眼轉明蟬翼胡爲重  
落葉何以輕雖云任時尙亦自隨連行霧深青豹隱雲出蒼狗成升沉何用卜我卽是君平  
題孤篷夜泊圖

柳老眠頽岸蘆荒隱斷橋曉來風信好解纜卽乘潮

自黃岡赴廣州

落葉西風吹急裝又驅駑馬出黃岡三年兩卸閑曹篆雙鬢空添瘴海霜時暫未能深摘伏

權輕尤恨少鋤強漫勞祖帳秋郊外跪拜殷勤酒數行

別窻前叢竹

深春新筍出亭亭一日看抽一寸青正好新秋清響發玉笙吹與後人聽

留別韓蕢湖太守

三年浪跡滯韓城人在冰壺影共清序齒每慚登首座問途何處是前程才非有用甘時棄  
事到無聊任運行終日向空書錯字六州鐵盡鑄離成  
公才高欲搏青霄到處循聲播野謠謹慎孔明真本領清勤趙抃舊風標人欽峻望如山嶽  
我感深情似海潮日暮韓江迴白首秋烟漠漠水迢迢

蕢湖同年疊韻見贈再答二章

使君方面擁專城賤子門庭似水清鷗息只宜投散地鵬飛那可限遙程未堪離別逢秋日  
試卜升沉在此行賴是叔牙知我切同情更復共相成

老眼何容望九霄遐思空寄晚風謠但容把酒看黃菊那冀分題建紫標雲爲能行方致雨  
水如無信不成潮前程如漆家如夢夜夜青燈悵漏迢

自潮城至嘉應蠻嶺縱橫層灘疊險舟中漫賦

遮天蔽日亂縱橫石吞沙總不平漫道粵中山水好山多無理水無情

登秦嶺

萬疊濃陰捧翠螺雲扶風引上遙坡忽驚身到層霄近更歎人行下界多試向大千觀芥蒂  
何殊百二擁關河老夫雖老心猶壯獨立峯頭一浩歌



自龍川登老隆船值順風順水

艱難都歷盡喜轉順風輕帆正渾如定船平似不行幾灣秋水渡兩岸亂山迎安穩乘流去  
何煩苦力爭

過博羅遇馮秋山別駕傾蓋訂交感賦二律

名齊大小仰馮君私幸曾叨共樂羣

謂廷拯臬使履謙  
明府履謙同年

愧我萍蓬空逐浪羨公意氣更如雲

虛聲自昔多難副古調於今久不聞記取羅浮山下路一江涼月兩船分堪笑龍鍾事遠征  
塵顏空抗負平生剪殘邱錦人空老落盡江花夢不成也解莊周隨蝶化且隨列子御風行  
不知彼此何緣法片刻交深萬古情

寄懷春圃兄

春來片羽度關河聞說身居安樂窩杖履自饒閑日趣兒孫最好晚年多邱中事業千秋在  
夢裏雲烟一笑過遙羨楓橋明月夜吳歛聽遍懊儂歌

兄時小寓  
吳門楓橋

甫到羊城即赴南雄府任

宦局如棋奕官符似火催又迴江上權去訪嶺頭梅地喜圖南近帆先自北開身輕同社燕  
飛去復飛來

重過滇江舟中遣興

羣巒重疊瑣江湄三派南分別一支境自屢經尤覺險景因數見不驚奇逆風窗閉朝昏暗  
淺瀨篙撐尺寸移賴是老懷能自遣但逢山水便吟詩

南雄

一嶺亘穹蒼百粵開門戶  
遯迹仰梅銷奇勛欽大庾  
良相宏遠謨風采餘芳矩  
世亂判蠻荒時平歌樂土  
雌霓伏至今雄風獨自古  
莽莽扼衝衢桓桓據大府  
山衆繞雲霞江清息鞞鼓  
絡繹度星輶紛紜走商賈  
地小簡簿書衙寬壯堂宇  
前轅聳危樓後院開閑圃  
昔爲南來賓今作東道主  
攬勝拓襟期飲泉清肺腑  
氣應小陽春烟光轉和煦  
先訪向南枝香苞吐未吐  
臘月十七日南雄府東郊迎春

掃除殘臘早春還頓覺郊原氣象寬  
路柳影搖晴日麗嶺梅香破凍雲寒  
羣寮冠蓋雙旌引一老鬚眉萬目觀  
前導土牛隨竹馬南俗土牛之後兒喧闐簫鼓滿城歡

元日 戊午

待漏趨晨賀春風滿繡袍  
城開晴日暖嶺接曉霞高  
歲事隨方異詩情祇自豪  
獨憐加馬齒白首不勝搔  
默默殘冬去頻頻新歲來  
天行自無盡人事若相催  
花信探梅墅春聲起鳳臺  
賓朋多好語笑口一同開

憶隨園

別來歲月似飛梭遙想江鄉樂趣多  
花發一園春冶蕩杖扶三老影婆娑  
請壽兄年八十一姊年九十皆同龍遊瓊宇踪常遍  
鶴駕瑤空夜忽過歲前數日最是儒林稱快事  
秋風重聽鹿鳴

歌兄以戊午舉鄉薦今年當重赴鹿鳴

新歲書懷

大庾峯高接上台寄身疑是小蓬萊  
春新早有甘霖降秋冬無雨入春連得甘霖署冷曾無熟客來  
稚子心情逢節喜老翁懷抱得書開  
頽顏怕入歡游隊靜對梅花飲數盃

登大庾嶺雷雨驟作投雲封寺偕達觀和尚清話

風起虛無際雲生頃刻間電長疑裂地雷急欲崩山行客心同急高僧意獨閑如如參妙旨  
試一叩禪關

答許廉舫問近狀

一領青衫滿鬢絲宦途歸路兩參差地當衝要身難逸官賦窮愁事可知欲破塵緣聊作達  
未忘結習尙吟詩閑雲飛在遙空際萬舞難追出岫時

春曉坐種玉亭

署冷亭荒遍草萊循牆踏破幾重苔人臨碧沼欄邊坐春在綠楊枝上回多事鶯偏調舌語  
無名花自稱心開年來悟得南華旨流水行云兩不猜

得隨園信

尺書飛到淚如絲慟煞荆花折一枝萬悔不宜垂老別百年竟悞送終時文章散漫愁零落  
家政紛紜孰主持不僅哭兄還自哭蠻荒暮齒滯歸期

春暮山行

雲級摩空曲更斜水潺湲嵌石唵呀春風另闢清華界雪白一山桐子花

土人以桐子作油植山至夥

循梅嶺植路樹

召伯甘棠未可尋猶餘葦芾至今吟經旬兩次登高嶺沿路雙行布密陰種植遲當二月暮  
栽培遙寄十年心卻憐老朽無生計不戀桐鄉戀故林

登嶺巔北望有感

混沌生鑿開風雲互迴護未許北鴈翔只可飛猿度乘興登極巔賈勇誇健步眼因高更明  
心以空生悟俯視南安郊村落如碁布但過此關門即是還鄉路關嚴門自開路遙徑如故  
緣何當關立不竟出關去徘徊日西斜叢山滿煙霧

和明我齋元戎移疾四首原韻

前年攬轡謁都門親挹謙光德愈尊七葉聲華欽鄧禹四君風雅重平原情殷故舊幾忘貴  
禮下衰庸即是恩只惜軟紅塵萬斛葫蘆秘訣未深論

榮倅機關那可求白駒一瞬過雙眸慢言李廣偏奇數未必馮唐竟寡謀慧業定知無痼疾  
逍遙正可玩清流要知行樂真方法試聽孫君詠四休

珍重維摩小病身齋心哲學漆園人機雲詞賦真才子皆能袞鄂弓刀舊侍臣畫閣勛庸

綿世澤闔門威重養 皇仁琴尊藥裏閑滋味詩筆饒知老更神

自從飄泊遠清光聊藉閑曹當退藏轅下駒常慚食粟階前鶴竟歎無糧海波難洗青衫舊  
瘴雨偏侵白髮涼賴有黃庭經一卷不須買藥問韓康

小顛和尚詩來索米汁以資寄之並繫以詩

欲憑譯使寄相思嶺上無梅可折枝托與青州從事去西湖湖上訪顛師

種梅行

梅嶺舊多梅梅凋嶺如故明月照高關春風無覓處忝來權守土望古徒延佇不是種梅人

尙識種梅趣訪梅如訪賢巖壑搜朝暮種梅如種玉破凍耕烟霧雲封寺有僧頗解事調護

雲封寺僧達 辛勤三百株巒坡高下布遲分南北枝已具橫斜度香雪未成海綠陰漸盈樹

和羹景前賢止渴慰行路輕輶一再過賞心千載遇不學梅鑄高不吟何遜句但願衆香中送我還鄉去

南雄即事

居然衝要領專城卻笑官貧吏也清三事堂無旋馬跡六科房有讀書聲身殊風氣多膺疾聽阻方言少得情飲水嚼梅甘素志耻將虛政釣虛名

署後荷池上長廊週折黃半癡處士畫山水丈餘堵邱鐵香太守李杏墅孝廉各題長歌詩以記之

畫筆不逸畫不古詩格不超詩近腐半癡畫築荆關基鐵香詩入蘇黃廡更有李赤學青蓮蒼虬蟠空紫電舞有聲畫與無聲詩盡化烟雲滿墻堵依稀道子圖嘉陵髣髴昌黎寫鸚鵡塵生須用碧紗籠歲久深防畫墁侮會有人來坐臥摹慎毋破壁飛雷雨

同人集種玉亭讌荷

以竹深留客處淨納涼時分韻

荷得客字

勝會愛良辰嘉遊重陳跡孤亭歲月深閱遍滄桑易五畝布濃陰一泓澄嫩碧署冷地尤偏政閑身更逸取歡慕仁智素餐愧朝夕自應共披襟空容獨岸幘爰招蓮幕賓敢效琳池集列坐對紅粉不許珠簾隔但飲碧芳尊不羨瑤華席花是真主人我輩皆行客西笑指斜陽東升迎皓魄風雲有代更花月無今昔地勝值時良休辭飲一石

前詩意殊未愜越日再集爰依全韻更賦十章

濂溪獨愛蓮子猷偏愛竹兩人愛各殊同擅君子目凌江此亭古嘉名傳種玉規模前賢開勝槩後言續亭前函荅香亭右蒼筤簇我坐享其成雖暫亦云足開襟披德風澹然忘涼燠

鮑徵蕩太守於亭右  
建西爽軒環植修竹

嶺南風氣早四月暑已侵綠陰弄清晝朱華滿碧潯憑欄倚香近隔葉覓花深尙想池如昔

獨憐花改今白玉斂素質紅顏燦瑤襟堪悅繁華日終慚皎潔心

池本白蓮今  
蓋屬紅蓮

何處堪久住何物可長留惟此閑風景古往今同遊池寬水不竭亭圯人繼修亭與池俯仰

水與花綢繆三五畝蹊逕七百年春秋分明是傳舍何必異丹坵

侵曉起臨池水葉同一碧霞皴玉映紅露湛珠搖白須臾微風生蕩漾光華易彈指香色界

魔障一重隔我欲究因緣微諦無人識擬持三四枝廬山問禪客

我聞十丈花高挹太華露又聞九葉臺常傍菩提樹鍾秀良有因托根幸得處惜此花葉緣

近落塵氛署慣引醉笙歌不宿閑鷗鷺新蕊遞相生朝鮮夕已故好依夏日長莫被秋風妬

遙憶江鄉宅方池傍竹坡年年池花發良友日相過琴聲繞簾幕酒氣灑清波卽今遲解組

何日復衣荷撫景歲月逝臨風慷慨多花爲我勸酒我爲花高歌酒醒香不散歌罷意如何

花非佛圖澄偏解持清淨酒非陶淵明安能別賢聖我本山水人未暢烟波興再出爲小草

無顏對名勝量淺飲易醺雲浮心自定喜得盍朋簪狂吟吐競病但使酒盈尊莫管塵生甌

近在署西隅阮屐不須蠟空香四座飛衆綠一亭納偶然肴楹陳悉屏管絃雜談空魚起聽

吟高鳥互答坐久接羅偏形忘芒履跋客散燈火殘鼓吹喧亂蛤

古人已不見名在如花芳池荷復多情更侑今人觴勝遊良可繼勝境久彌彰所以栽桃李

不若樹甘棠登亭心自遠俯沼意先涼會心在何處古與今兩忘

花不厭開早月偏惜來遲坐到花慵後笑指月生時嘉賓應劉侶黃絹紛屬詞隱侯老尤健

春謂洗騷壇幟獨持詩成題滿壁莫被花神嗤

夏日山行書所見

滌開三伏暑快拂四山風斜日明疏雨長林挂斷虹泉奔頭易白花野色偏紅曲逕橋橫處  
疑爲小市東

深院

深院日亭午筠簾暑不侵池寬容蛤噪樹密聚禽音似覺煩盈耳偏宜靜息心獨憐忘指法  
虛置北窻琴

也厭

衆樹濃交一院青靜焚沉水誦黃庭蟬聲最是清幽響異調羣嘶也厭聽

雨後山行

扶策登高嶺游心入遠空碧沉山足雨綠亞樹含風泉急隨坡轉溪寬駕木通炎荒尠搖落  
秋在有無中

新秋

又見秋風起勞勞歲月深青山虛舊夢白首憶鄉心天冷蟬聲噎峯高雁影沉無聊還任運  
擁鼻不成吟

喜蔚文姪至

大庾峯頭三百梅株株都是手親栽投身嶺外嗟余老收骨江邊喜汝來啼笑劇憐通子幼  
應酬先試阿戎才連年懷抱如蕉葉今日風前一展開

謂慶兒

秋日偕友人暨子姪輩同遊溫泉寺浴後至楊歷崖小飲薄暮冒雨歸漫成四律

政簡無餘事相將出郭行共騎官馬瘦獨駕筍輿輕秋色如人澹商飈勝曲清歲功知有慶  
四野打禾聲

爲訪溫泉勝循行境屢殊但驚山确礧不覺路崎嶇池切方圭玉源探一串珠笑將功德水  
試滌老肌膚

楊歷崖名古分明小洞天寺穿雲竇出泉挂石幢懸幽壑鳴餘溜虛窻納翠烟將軍遊已過

留姓幾千年

楊歷崖在郡西北二十里志稱以漢樓船將軍楊僕曾遊歷區名

小飲陳餚盍嵐光落酒杯林泉牽夢遠懷抱得秋開深谷雷方殷前峯雨忽來催歸留不得  
回首亂雲堆

嶺海停雲圖爲屠笏崖同年題照即以贈行

琴樽草草聚蠻荒留得停雲翰墨香絕勝當年馬新息徒將薏苡壓歸裝  
同榜同官事又非君行我住兩依依關頭送別增惆悵萬疊雲山一鴈飛

晨起見花童掃花戲作

雙桂濃薰十日香秋風一夕散飛霜誰言南郡清貧守滿地黃金用斗量

憑欄

清曉閑無事憑欄逸興長柳搖臨水影梅送隔牆香官味同鷄跖生涯視瓦霜將心遊物外  
何處不家鄉

晚行



薄暮長途強着鞭山圍寒翠水含烟夕陽莫道黃昏近散作紅霞尙滿天

歲除前一日迎春

又轉三辰始剛逢一歲終冷消殘臘雪暖拂早春風馬踏新郊綠旗翻晚日紅兒童半相識  
不復訝衰翁

不計其數

又勸三子開卷一書其言辭與劉君對峙春風風氣漸融滋潤日甚京京平眼  
益發而一日吸吞

紅豆村人續稿卷二終

國表碑有古眼心圖莫首莫昏正道非正道尚蒸天

紅豆村人續稿

錢塘袁 樹齋亭著

卷之三 己未

新春遣懷

嶺峻雲先開海近春來早亂紅燦羣葩新綠暄百鳥萬物都向榮惟是人增老人老逢春健  
開拓襟期好譬如悵惜亡夜氣復清曉但養神清甯一任首蓬葆榮華自有時沉淪安所禱  
歷數古今跡得失殊了了籤鏗等陳人童烏亦壽考澄心齊物化何事尋煩惱

曉登庾嶺

種梅庾嶺僧老梅枝小要作探梅行鷄鳴即就道風送籃輿輕月落青峰曉却笑出山雲  
比我起更早

春曉

曉日初昇映樹斜綠陰疏處散輕霞簷前好鳥乍調舌墻角小桃偷放花空腹懶嘗元亮酒  
清心靜品玉川茶漫嫌莎滿閑庭寂藉有羣蜂鬧早衙

慚對

石火光中水自流宦途歸路兩悠悠心頭撞鹿非關醉耳底鳴蟬不待秋嶺峻未容輕轡度  
海寬何處片帆收無名無實人空老慚對春風咏四休

春夜宿紅梅驛

踏遍山程與水涯青帘飄處見人家紅梅驛冷深宵雨獨對寒燈咏落花

贈紅梅邵巡檢

尹喜何妨作抱關紅梅驛古路尤寬漫嫌俸薄頭銜冷百粵門開第一官

春曉山行

竹駕籃輿曉東裝雜花遍野細吹香輕陰閣雨嵐光潤淺碧搖風水氣涼官路那如村徑靜  
閑雲偏逐宦塵忙饒知嶺外農功早布穀無聲已播秧

孫漁村於齋前廣植花卉雅致宜人率賦以贈

疏籬添築隱迴欄十笏閑堦頓覺寬不絕塵緣方是佛能消花福勝爲官遍尋嘉種營心切  
試剪繁枝下手難最好香溫茶熟後掀髯獨坐捲簾看

小春書屋再贈漁村

匠心獨運費經營展拓軒窗似水清祇就舊規施手筆別開生面見聰明因看新綠知眞色  
還品羣花辨小名愧我妄遊如嚼蠟故園辜負一庭鶯

齋興

政閑偏稱懶心靜不知貧聽鳥勝歌曲攤書當友人晚杯斟窖酒小饌摘香椿一任雙蓬鬢  
重添雪色新

花朝日作

廿四番風拂軟塵百花同日作生晨千年不免滄桑幻萬劫難消爛漫春撲蝶自來傳雅會  
勸農今已少遊巡紅綃手剪枝枝繫還學當年拾翠人

偶成

雨歇空齋靜簾垂白晝寒重苔封古砌濃樹壓雕欄對酒驅愁易刪詩割愛難未能忘結習  
祇惜錦凋殘

讀史偶感

名場得失尋常事萬古浮雲一瞬消廉藺何堪爭勢位蕭曹曾不改科條鑑因平正光纔遠  
鼎協陰陽味自調試向長江探消長去來有信是洪潮

南雄郡齋效劍南體五首

前院寬宏後圃餘此間亦是好家居清貧慣耐饕殮薄老憊能容跪拜疏座上雖無常滿客  
篋中還有未殘書年來參得南華旨懶學相如賦子虛

行馬荒涼少客過春風細雨冷庭莎人驚官廡如僧舍我借懸巢作繭窩繞屋喬柯千丈合  
盈階落葉四時多靜中大有賡酬侶鳥自嚶鳴我自歌

一片孤城萬岫環地當衝要扼嚴關便如都護身臨塞那怪參軍語帶蠻難溯浚江徵古蹟  
每登庾嶺望家山長空妬殺南來鴈飛到峯頭便自還

代庖初擬不終朝豈意瓜期竟轉遙當局正期心共矢臨書無奈肘偏搖持平自可澄官守  
溺愛何堪縱子驕惟祝和風吹廣陌蠻煙瘴雨一齊消

繭絲保障兩無成尸位還應自鑒明栽樹略治新道路培修嶺路八百餘丈沿途植松樹三百餘株種梅權作小  
經營闢頭種梅樹三百株登來梵塔心同淨飲過廉泉夢亦清千古浮雲自來去有何功業有何名

鄭西山別駕饋池魚走筆致謝

網出脩鱗二尺餘朝餐正歎食無魚老夫饑吻饕貪甚還笑侯鯖味不如

西山于池內更畜魚苗賦詩見示依韻再答  
白小紛紛玉不如方池更復詠多魚先添春曉憑欄興花瓣羣吹細雨餘

暮春曉起

夜足潺湲雨晨飄淡蕩風盈階新蘚碧滿地落花紅香散春猶在人衰興未終高枝相對語  
一個白頭翁

自憊二首

鬢鬢雪白對洪濤未讀陰符論六韜據險分明當重任論班仍復是閒曹瑟緣膠柱音難叶  
劍爲藏鋒氣不豪尤悔艱辛皆自取行吟何必誦離騷  
登山渡海萬餘程信馬驅馳任舵行陸賈曾誇真閱歷東坡自詡冠平生畫千兔穎圖難盡  
詩兩牛腰寫不清途路債多償未了那容林下賦閒情

小鳥

階前古梅一本枝葉葱茂廣蔭半庭有小鳥於東南最卑枝下營巢哺鷦巢大不盈  
握而結搆縝密爰禁童僕爲呵護之美其營巢之巧傷其栖托之卑且鷦成即俱去  
若有情若無情感賦三章

翩翩兩小鳥來集庭樹枝嚶鳴類朋友和樂如夫妻因依久不去宛轉營巢栖似解五行術  
擇占一枝低笑鳩徒假室學燕爭啣泥香草繚戶牖花鬢織罽罍小僅可盈握寬能容哺兒  
似中公輸矩欲亞天孫機微物有妙伎人巧奚足奇城中多廣廈輪奐競華施試問陰陽向  
風雨可咸宜

海燕巢玳梁鳳凰巢阿閣螭螟巢蚊睫蝸牛巢螺殼各自巢其巢亦自樂其樂小鳥獨何爲  
巢此枝條弱無須問鳥心正可爲鳥度長林鷲鳥多高處罡風惡出頂枝易摧當衝花早落  
羽短慎翱翔身微重栖託小住亦復佳自卑甯自薄不羨垂天鵬侈心滿寥廓  
巢成方抱卵數日聞穀音雌雄若歡喜蟲餌翻飛尋我爲禁童僕不許相陵侵豈作啣環望  
並非放鴿心庶幾相對語晴窗伴微吟鷓成羽翼長習習上高岑鷓飛母亦去都不辭主人  
情動而卵育情感而類親緣在固交結緣盡倏離羣人事盡如此彼鳥何足云徘徊庭樹下  
空巢懸夕曛

未知

居無甯息食無餐也算人間五品官陷阱已深填不易網羅重入出應難三時歲月驚心過  
萬頃波濤潑胆寒半死半生衰朽骨未知魂夢幾時安

任運

擊鼓聲停淨海埃閒庭朝夕獨徘徊奚僮獻媚持花供小吏鈔詩問字來風捲殘雲棋六局  
月沈寒漏酒三杯打空生死榮枯界懷抱何時不可開  
紅塵莽莽遍人間未列仙曹那得閒夏雨雖涼終少潤暮雲最好是能還眼空敢說觀於海  
心定還期鎮似山任運祇宜行素位輪迴何必證禪關

四民郊迎圖爲許廉舫題照

爵秩遍中外親民惟縣官得民情不易得民心更難許公本世胄高飛惜羽翰陸裝八千遠  
宓琴三兩彈胸自期管葛術且薄申韓表正景自直泉廉味不寒保障與撫字智力恒兩殫

履險若順軌治劇如弄丸潮民挾海氣曠悍如封豕都不動聲色潛已化冥頑士農與工賈  
一一浴肺肝公去四民憶公來四民安既久食公德重幸拜公顏扶老復携幼如堵相聚觀  
鬪笑郭細侯徒結兒童歡

哭簡齋兄八十韻 井序

兄於嘉慶二年十一月十七日歸道山三年正月二十四日訃至南雄眼枯腸斷若  
無以爲生每舉筆則墨以淚濡搆思則心爲緒結時作時輟勉強成篇言之不文意  
多未盡不足云詩也

痛哭池塘草秋風折一莖素魚江上至鵬鳥海邊驚設奠徒遙拜招魂遠程無人聯雁陣  
有客學驢鳴憶昔垂髫歲身爲異域惇是誰存任郵遣使遠將迎羣季還鄉里先靈妥舊塋  
牢盆親料檢瓦廨代經營更朗中郎鑒偏看叔夏明還從辛氏姊携出謝家甥共放姑蘇櫂  
來遊建業城束恭爲弟子敦友作先生顯受天龍指窮搜玉笈精談經餐轉午待疾夜呼庚  
共被欣床大分裘覺體輕寒暄都在抱教養盡推誠顧念工心織應謀事筆耕遠依劉越石  
藉譽武元衡白馬歌相送元霜調更清花常期並蒂樹每惜分荆慷慨開魚鑰殷勤贈鳳笙  
定情留鈿盒醫妒乏鶴鷗湘渚空環珮茗溪冷杜蘅事隨雲共散心與水同縈繼幸壘篋奏  
叨聯午未名 兄以戊午己未連捷  
余以壬午癸未連捷常嫌遲祖策竟遂請終纓潛見分羈絆形骸阻合并頓將  
和樂意變出別離聲寄慰先鄒魯分題到汴京皖江參別駕粵海跨長鯨天上浮雲轉山中  
書帶榮老懷誇豐饒逸興肆縱橫斷袖携高足掀髯賦北征珠江波浩渺鈴峽石崢嶸觀政  
聽謠頌開懷續唱賡禪燈參寶月石友訪端坑鑄煮青精飯匙翻白雪稭帶枝餐紫荔鼓柶



覓黃橙快論傾寮窠文華動巨卿看泉登玉鼎驗水擊銅鉦華郡制軍署有銅鼓相傳響應四川擊之則水至郡人恆封銅

之兄遺舉屬連擊其音清

越未數日川水果大至都化忘形蝶時調醒酒鯖取歡兼動靜快意極生平秋老人將倦

歸心夜忽萌臨歧看綬帶苦勸解璜珩越歲遭鐫級當春遽返旌移家遙藉蔭卜築近連楹  
鄰里歡相慶炎涼態各呈得歸心共足垂老意尤傾剪燭常懸榻分甘互報瓊還携雙榼酒  
時聽兩園鶯每却庖丁饌偏誇婦手羹詩邀皇甫序畫重若虛評杖履能容弟烟霞獨奉兄  
尋芳狂擁翠說鬼笑飛觥擬學天隨子追陪阮步兵謂當偕靖節常此侍籛鏗豈意時消長  
無端事變更東雲空廣庇北阮困孤撐溪淺難容艇棋低易散枰攪然投袂起直似絕裾行  
出處關非細升沈那可爭恐非君子吉強卜丈人貞莫必今生會堅深再世盟何堪數行淚  
遂盡百年情訃至腸全斷傷多夢不成捶胸呼負負無術解怍怍身似舟無舵心如釜沸烹  
試爲陳梗概默以證迤亨名士無高爵詩人尠後勅由來權得失不在較輸贏所惜先鯤化  
難重詠鹿茸圖書空舊託厦木更誰擎山寂悲猿鶴園荒雜蔓菁前徽將莫繼後患或多攔  
愧我疏長策離羣若老僧投荒栖枳棘戒入機槍博豈拚孤注兒還怯倒縲烏頭看盡白  
魚尾已多頰逝水川奔馭殘陽路晦盲哭兄還自哭不飲日如醒

### 堪歎

堪歎餘生有限涯以官充隱遠浮家前門不掩看羅雀後圃閑鋤當種瓜每拂好風思杖杜  
還因多雨念桑麻老懷未肯隨春盡自踏蒼苔掃落花

### 雨後西園

送春連日雨飄瀟乍霽林亭景更饒香繞薔薇籬畔豔波臨楊柳岸邊嬌步遲不覺長堤遠

坐久能令俗慮消，還汲新泉烹雀茗。等他明月上青霄。

有姑蘇女子隨宦流，落寄跡尼菴。賦詩言志有媧皇，難補別離天之句。一時傳誦友人

強屬和韻勉答二章

無聊人對奈何天，鴈斷魚沈嶺海邊。柳弱隨流水，性花飛須結錦茵。緣香濃畫閣餘春夢，月冷孤幃坐夜禪。耐可消除離別恨，數聲清磬一爐烟。

榮悴何須苦問天，由來弱海本無邊。枉將畢世難償債，錯認前生未了緣。達士揮絃聊寄暢，美人繡佛學參禪。堪嗤萬里同飄泊，紅袖青衫滿瘴烟。

題畫

萬里遊踪狎海鷗，曹閑署冷小窗幽。偶然檢幅高麗紙，試寫雲林一段秋。

和余松川謝畫原韻

強將頽筆寫頽顏，墨淡雲輕皴曉鬢。留得烟雲常在手，好從畫裏夢家山。

颶風行

白日耀青霄，黑風捲平陸。初來分次第，繼發無起伏。前陣方未了，後陣迫相逐。不雨挾震霆，無兵攢箭鏃。劈空崩懸崖，就岸拔巨木。河水不多深，激浪高於屋。繫船傍荒洲，長纜不能縛。篷桅若箕簸，舵艣互擊觸。左舟方沈溺，右舟旋顛覆。倉皇生死形，一一近在目。何暇問安危，只待分遲速。颶風有轉移，颶風無斂束。海氣結成戾，浩蕩逞騰蹕。一發五晝夜，天地爲慘肅。日短心已枯，夜長愁更酷。月黑眼全盲，野曠地難縮。風聲水聲中，但聞人鬼哭。豈惟廢坐眠，兼亦絕饘粥。瀕危計莫施，得解思轉熟。無翼何能飛，有命自當續。敢向吞舟魚，區區進忠告。

我老投蠻荒骨瘦全無肉淒涼入丁口同甘惟苜蓿縱然就爾吞未足果爾腹不如駕長風  
得勢且含蓄和平天自尊正大人咸服何必肆猛烈有似恣荼毒祝畢三叩首長嘯歌一曲  
果然詰朝霽波定江澄綠須臾轉和風飽滿送帆幅

風止戲作

青蓮三朝暮愁變白髭鬚我鬚白已久蒼茫感老夫如何五晝夜不更變成烏

讀史偶作

政閑新歲尠交遊靜檢遺編細討接老去廉頗徒健飯數奇李廣不封侯四時花樣千般異  
萬古雲心一片浮得失分明都是幻枉將智力事營求

懷人十四章

梁山舟侍講 同書

威鳳巢阿閣良玉蘊藍田斯人期遐矚不以膏自煎抗懷棄軒冕壯齒歸林泉行高不戾俗  
智定薄逃禪聖手寫心畫奮力邁前賢古肥與今瘦損益參自然一字縑一疋一札酒十千  
每以當持贈惠結貧士緣素饒猗頓業還讀陶朱篇士少身蔽籠姘女手數錢樂此不傷雅  
秀骨瘦愈堅青鞋步煙月年年西湖邊雲峰立萬仞誰能測其巔

王畏樓太史 文治

京口一江水匯爲洗墨池北固千重樹吹成竹與絲草堂恣遊息興助江山奇元關叩微妙  
光彩分陸離餘藝參入訣變化樹鼓旗青腰伸素紙承戈磨險礮一揮十餘丈腕健不知疲  
新聲教家部絳帳列蛾眉悞拍便回顧入妙屢含頤靜會造化旨默運脩持機淨心先淨口

日日逢齋期曠達竹林侶風流江左師公卿齊倒屣裙屐同遊嬉是仙即是佛不惠亦不夷  
萬緣都自了一情不諱痴唐生偶顰笑驚破小參時

姚姬傳比部

鼎

孤柏挺瑤峯不隨百卉隕至人秉至道獨御虛無軫一笑脫蟬冠廿年學豹隱溷糞歎蠅蛆  
雲霧笑蟻蚓鍾山設臯比奧啟乾坤蘊便便腹笥富疊疊文思敏清正闡元微浮華屏脂粉  
悟禪懶打參味道薄導引跡似混和光衷自操繩準於我交最親別來歲月永屢讀尺素書  
出處寓深警爲言今年春決策還鄉井行樂賴聰強時光重暮景同近古稀人比部與余同辛亥生安  
容不交省峨峨龍眠山比部住龍眠山側迢迢大庾嶺不敢更回頭嗒爾徒延領

孫春巖廉使

嘉樂

憶惜困芸窗咕嗶共精討文戰會羣英文若年最小弱欲不勝衣懦如在襦襜一語試相諱  
面赭久不了操觚方共殷著鞭輸獨早光彩動瓊林郎官應星昂金筆欽戶曹玉尺衡蜀道  
監司巡端州採石敷翰藻赫赫昇提刑明弼展懷抱官高體自尊身榮貌亦好經濟書生舊  
鬚眉丈夫表立志潔操持無心計溫飽力卻水衡錢深懼銅山倒豈期悖時宜一謫如墜鳥  
引疾賦歸來甘復茹荼蓼載訪同學人落落晨星少即使幸有存相對各傷老浮雲過眼空  
榮名安足寶君境我能知我行君亦曉松柏有本心相期各自保何時築葉裘花逕爲君掃

章淮樹觀察

學桂

髯翁古俠士氣欲吞瑤岑豪才雜霸術轉念仍佛心弱冠走燕趙當市碎孤琴手操彥伯技  
一擲盈千金捧檄宰花縣澡雪澄官箴捕盜張叔夜摘伏李義琛廉能書上考五馬挾朱輪

旋轉江城旆監司上海濱聲明薄雲日睥睨空古今餘情獵聲伎女部一家春流鶯箇箇轉  
瓊樹枝枝新能令座上客傾倒忘心身一朝風力轉挂冠歸故林買得連雲第仍居要路津  
官去名益大居安樂更眞結客每投轄濟困常指困忽然得超悟撒手拂紅塵逃禪參妙旨  
掃塔證前因率姬持齋戒扶婢禮能仁神龍工變化首尾難探尋初擬義俠傳繼歸隱逸倫  
自謂佛弟子又似葛天民不知千載後何以位斯人

李松雲太守堯棟

再世謫仙人宦海青雲友遊遍木天高一麾乃出守鋤強先大姓扶弱振孤朽名傾上官心  
碑鐫路人口政蹟霸遂問風懷嵇阮偶鯨吸三百杯面無一痕酒六朝金粉地二水烟霞藪  
還從簿領餘關情及花柳莫愁人已無莫愁湖尚有烟波空古今亭臺半塵垢清俸慨獨捐  
布置隨心手一泓玻璃開四面琳琅剖落成集賢英新詩燦瓊玖遂令湖水邊嬉遊遍童叟  
從前守土官不識某爲某惟茲湖上月清光仰南斗問誰樹甘棠得共雲山久

梅隅菴孝廉鈺

家聲文穆舊世澤宣城綿經綸繹天緯墳典探龍淵書繼蘇米後文追晉唐前伯樂未及顧  
孝廉錫自天以文穆公之子壬午召試欽賜舉人兩舉不稱意隱入白門烟列市既多邸負郭頗有田讀書課  
子外足不履市塵獨抱千古恨如負萬鈞肩臨風多感慨對酒亦留連鳩杖雖假拄梨顏更  
華鮮記事珠在握衡才秤獨權放論如峽倒侈口比河懸所惜未免俗談必縉紳先某公建  
某議某事在某年顛末既畢舉月且無頗偏借徵今文獻亦足傾四筵老成半凋謝靈光獨  
巍然何必葛稚川始稱地行仙

王柏崖少尹 光祿

天壤有王郎奇龐具福艾足踏尺二韉腰繫十圍帶甘隱百寮底官小聲名大書探篆籀精走筆龍蛇銳詩摹蘇黃工揆藻江河沛木訥以守謙蹭蹬乃履秦蝕古聚瑤編搜奇及幽蒼購得先人蹟珍護如珠貝徵題遍名流琳琅發光怪時尋隱士廬共飽郎官膾寄心六朝前舉頭三山外尹喜足逍遙侯嬴徒慷慨甯將自性真妄博他人愛所以沈傳師辭顯務恬退

毛俟園廣文 藻

廣文官獨冷先生以冷高身貧心轉泰腹富氣自豪博物張華著三絕鄭虔饒著書窮西穴放筆駭江濤考證苦披繭搜羅如結菴彌年不輟席終夜恆焚膏豈惟振木鐸直可叶雲璈金陵名勝地童冠恣遊遨山行同蠟屐花飲鬪分曹對景情共適臨風首獨搔甯甘苜蓿味不饜肉攫臊奔馳惜短脛磬折笑高尻關佛學博奕錢神著魯褒分明兼吏隱旗鼓占風騷何傷泮池外三徑長蓬蒿

汪芝圃太守 倫鏞

貴者不盡富富者不盡貴天心恆吝惜未許賦全備惟君兩兼之不爲造物忌初出宰中州英鋒試犀利就地逐龍雲摩空展鵬翅劇邑屢借才金穴容肆志乘時驅五馬桂嶺舒經濟離關權權使赫奕聲光麗風順帆正揚潮迴舵忽振脫屣空名場還鄉履實地雖非鼎鉉尊足振閭閻勢整理舊田園宏展新規制端木善億中劉晏工會計黃標更紫標羅列分位置仰面無所求回頭無所事腹有詩書豪豪氣徒虛寄家有金玉豪豪氣生實際人共羨君豪君自無豪意前庭明月多後院羣花媚醉月更扶花生涯任遊戲

張雪鴻大尹 敬

可羈非畸士無墨即俗人張侯秉奇氣笑傲存天真手握千載筆胸無半點塵儻來視軒冕  
脫去甘隱淪買宅青溪畔楊柳一家春欄畜魯望鴨池栽季鷹純前生老畫師再來證宿因  
高吸張陸髓細探文董澶近復惜工力寫生尤足珍一飲酒五斗一燄肉十斤豪情既醉飽  
磅礴更有神髻既可濡墨指亦可代皴日揮十數紙紙紙值數緡形骸不自束得酒便呼羣  
既似高陽侶又似無懷民與我忝同譜多君散澹身獨怪雲山隔臭味不相親

崔筠谷外史 瑤

丈人不肯老髮白顏更紅手持碧鸞尾亂掃蒼葦風丹青精妙理寫竹爲最工近派師李衍  
遠法追文同胸中有節目腕底生玲瓏聲名江南北落落標孤踪不畫青山賣不作灌園傭  
渭川植千畝石田穫轉豐行年過八十耳目轉明聰健飯不擇食強步不扶筇念我端居寂  
朝暮時相從一張烏皮几兩個白頭翁深深究六法矻矻窮三冬理得心共快墨淡興尤濃  
一別四易歲天遠魂夢通丈人存碩果賤子感飄蓬何當轉嶰谷携手訪崆峒

王菊莊廣文 金英

古今限遭際乾坤困宿儒致令賚志士往往悔讀書菊莊西江秀聲價擬璠璣高門誇宅相  
似舅播名譽廣文爲裴文逢公外甥道旁逢路鬼不敢相挪揄一舉領鄉薦十上躡公車試振宣州鐸  
不足哺妻孥長嘯挂冠去琴尊泛江湖松柏挺脩幹桃李多門徒時過風雲變年衰親朋疏  
臯比一席坐求之如華胥歸臥衡門下野竹環幽居架著等身富饗乏擔石儲幸逢舊知己  
開府來南都謂制府李公小草欣向榮大力可負趨梁木條中頽焦尾音更孤康莊亦坎珂璞玉

重瑕瑜夢破神自定道在樂還餘聊憑南飛鴈問訊近何如

陳文水孝廉 湖

伏生授壁經康成演卦說道與人俱古下學沾餘屑先生羅武庫絳帳育英傑明示南車針  
秘傳葫蘆訣文體尚清真詩律更超絕有時縱談諧風生廣長舌方千首肯低五鹿角自折  
可惜不救貧年年磨硯鐵高級望莫登冷毡坐成熱雖耽曲肱樂難免運肘掣畢志敦孔傳  
無心參禪悅卽此定方持益欽衷朗徹計自湖頭會又經五載別形骸有睽離思念無消滅  
同過六旬人老態應難別月上小螺峰照見鬢邊雪 孝廉住杭城小螺山下

過韶州章湖莊太守招飲政寶堂清話竟日率賦二律

名邦今又屬詩人邂逅開尊謁後塵但本文章舒抱負肯將榮辱繫心身堂中玉局留遺墨

風外雲韶奏古春珍重使君多事業由來名士卽名臣 政寶堂額東坡所書也

卅載同驚宦海濤臨風不用首頻搔幸逢今雨聯知己細數晨星感我曹馳譽共欽君獨遠

問年偏愧我尤高鐘鳴漏盡行無已笑詠嫫隅枉自豪

夜泊石溪埭

扁舟連夜下三瀧小泊荒洲半近江風大正嫌難點燭月明恰好任開窗草蟲沿岸吟尤雜

水鳥隨波宿總雙我已孤懷甘寂寞睡魔不借濁醪降

湖莊太守約登九成臺以事不果往

韶石山猶在韶音不可聽崇臺傳漢代古月自虞庭有約奇同賞無緣轡屢停徒瞻欄楯外

日暮亂峯青



小病偶述

六九衰翁不自量百蠻天外弔斜陽  
心隨老去焉能壯病上身來那可防  
醫案千條無壽藥當歸一味是良方  
期將荷鍤遵先達莫把青山當異鄉

月夜舟行

傍晚西風大狂吹樹有聲推雲過嶺去  
放月入船明枯坐饒餘興懷人動遠情  
夜涼舟子樂曳纜更貪程

偶作 四月廿七日

未解調金鼎安期返玉門不知明月夜  
何處弔孤魂天人分界限聚散各程期  
墮地餘鷄犬淮王那復知

鍾玉亭留客小酌

月上荷池靜高軒喜忽過涼餐雲子飯  
閑聽雪兒歌舊雨天涯少新聞海外多  
良宵對良友不飲待如何

南雄謝郡

瓜期已代束行裝小結黃梁夢一場  
徒被門前書鳳去空從籬下嘆羊亡  
衣歸質庫資途費詩益巾箱當宦囊  
惟有嶺梅三百樹應教留得幾年香

登程

觸暑登長道重爲泛宅遊河添山漲  
闊波帶火雲流身世無巢燕浮生不繫舟  
蕭蕭雙鬢影五度嶺南秋

臨湘亭避暑東章湖莊太守

青來門外江水清臨湘亭子新錫名

江干驛亭舊名榕蔭歲久傾圮家立軒邑侯從而新之已未春陳簡亭大中丞題以今名因曲江原名湘江也

湖莊太守天下士大書特書筆縱橫地近通津商賈集花艇燈船燦瑤碧江上朝朝海國風舟中夜夜關山笛正逢秋暑酷難勝小泊羈留行未能身困短篷心似鹿日煎浮浪沸如蒸主人邀我亭上住十丈濃陰仰高樹但覺清涼滿座生不知煩鬱消何處月上欄空江水流渾疑騎鶴洞庭遊詩人題墨各千古何必踢翻鸚鵡洲

七月望日家立軒

嘉言

大尹邀同章湖莊

銓

鮑薇菴

錕

兩太守王定軒

京

別駕謝湘浦

澹 大尹同登九成臺

偶然冠蓋聚江頭選勝登臨足壯遊奏樂空傳虞帝遠題名始自宋賢留通津行艦爭飛座遶郭佳山盡入樓閱遍盛衰臺上客一條瀧水自悠悠

韶城外二水交匯自始與來者為湘水自樂昌來者為瀧水壑臨瀧水上

小憩倚芳園

為愛花田小泊舟倚芳園裏暫閑遊花雖冷淡香偏膩地最繁華韻獨幽畫舫慣留新粉黛歌臺多按古涼州

園有歌臺為冠蓋飲饑之所

月來耐盡篷窗暑片刻涼生遍體秋

庭前雙桂歌

淺江扼要郡稱雄卻憐冷暑如梵宮亭臺池館半傾圮兩株丹桂撐庭中地囂不稱小山賦幹古徒傳仙客踪遮窗礙月殊可厭恨無吳剛施斧攻每月一開花細碎幽芬無力透簾櫳頗疑虛名無實用徒以枝葉蔽蒼穹劇來八月當時令金英怒燦堆玲瓏朶繁色重壓枝墜沈酣酷烈薰長空鼻觀放參魔十丈轉覺頭腦為冬烘狂香一拂滿城遍家家仰首覲餘風

果然材大魄力大真氣默與天機通無端一夕過秋雨滿庭涼靄飛溟濛乃知萬化及時貴  
先時後時皆難工更知香色兩空界色不異空香亦同卽今我老樹尤老過時兩莫笑龍鍾  
桃花人面圖爲孫漁村題照

十丈芭籬傍水村柳絲芳草儘消魂桃花不逐東風謝賺得崔生又到門  
春色醒人比酒酣軟紅塵裏儘幽探浮生但對花常坐坐破蒼苔也自甘

園丁送雜花

園丁好事送芬芳惹得閨人滿鬢香正好停舟疏柳岸一襟秋水晚風涼

新月

新月如相惜先臨几上明高簷涵夜色虛室滿秋聲病與閑偏值小時抱小恙心因靜益清照來頭  
似雪那不悟無生

移寓

移居那復效遷喬陋巷方宜飲一瓢幽砌綠翻書帶草疏簾紅映美人蕉年衰兒女供調笑  
官冷僮奴共寂寥偏是繁華吹不盡隔牆時聽數聲簫

秋杪書懷

西風昨夜滿雕欄曉起東籬菊又殘應候鳥偏催歲月乍涼人漸耐衣冠謀生漫道過時拙  
行路須知自古難偶向五層臺上望披襟一笑海天寬

蔚文姪以瓶菊供几聊作解嘲

乍涼天氣忽嚴寒秋到窮時興也闌楓葉但添騷客思菊花不厭冷人看香清藉可醒塵夢

英落還宜助晚餐且把南窗當籬下自開笑口尙非難

秋郊月夜

老去無心醉玉缸閑來只喜坐明窗境當嶮峴詩難逸筆欲頽唐意未降作達枉然欽北海  
放懷尙想吸西江月涼試向秋郊望豬鼻車前影一雙

招友人飲

偶得酒一瓢期共素心酌可惜庭花開未與明月約有花自能香無月亦堪樂已拂苔茵齊  
略具山蔬薄不速也應來莫待羣英落但非過屠門勿妄思大嚼吳司馬豪子  
噴肉故調之

留眷屬於羊城獨赴碣石

又覆棊枰一局初輕裝惟挈兩囊書浮家更作離家客防海難辭傍海居險阻豈宜垂老試  
襟懷強買少年餘何堪殘臘關河冷水陸兼馳逼歲除自省至碣石水程  
四日陸路五日

至歸然縣捨舟登陸

逆水方停櫂迎風又看山地形爭凸凹人語雜綿蠻飛瀑隨溪轉危峰疊翠環經臨多險要  
到處設嚴關

鵝溪渡寶海汶也

三十里清波曉渡趁潮漲雙橈一葉舟竹箭中流放不賦大風歌高吟小海唱

度羊躡嶺

鵝溪渡過山更高一坡一轉登層霄上五下四僅九里輿夫喘慄汗流尻眼中叢樹潑濃翠  
腳底羣巒疊怒濤入峽但覺風蕭瑟當午不見天沈寥驅馳敢咤九折馭開劈誰惜五丁勞

象形惟翠巒變態互昏朝未識羊躄之名何所指志乘失載傳俚謠山坳古寺僧蒲團坐已  
破不解嶺名由但陪佛共臥爲言嶺峻少人行白晝時時羣虎過試看門前苔蘚痕縱橫掌  
跡如箕大

烏墩渡 亦海汊也

分海水成河截山根爲路風逼櫺背橫雪捲濤頭怒不見蘆中人誰唱公無渡

度山門嶺

嶺外卽海濱度嶺便如出塞矣

兩邊河海一重山莽莽遊雲去復還白髮飄蕭雙袖舉天風吹出玉門關 是日大風

觀音嶺

蘭若開巖畔靈旗晝亦昏輕雲生佛座亂石疊山根嶺勢全藏寺潮頭直到門須彌看不見  
別出一峰尊

愛蓮書屋

碣石驛西

廡舍半傾頹西隅數椽在土鏗容膝宜簷瓦壓眉矮方池水一泓汗濁疊磈礫豈惟乏芰荷  
兼亦無藻茝蕭蕭竹數竿冬深籜方解葡萄一架欹葉落風掃灑昔誇愛蓮逸今若騎虎駭  
未足困溟鵬差堪息朽駘默坐清一心遐思寄千載無術能騰身有手但支頰便擬當桴乘  
出郭竟浮海

同鄭遊府巡淺澳砲臺

莽莽窺雲漢巍巍跨海疆天圍山四面臺鎮水中央刁斗期嚴肅蛟螭敢蹶張將軍方振武  
肯臥綠沈槍

歲暮書懷

青衫白髮一身孤瘦骨無煩  
杖扶未免寒暄兼痛痒可能奴僕代  
妻孥天邊臘盡梅空憶  
海外春回草欲蘇  
心似死灰身槁木  
夢成也不到華胥

領職頻年近海疆  
鯨鯢見慣等尋常  
敢陳長策心猶壯  
但奮空拳勢莫張  
吳質愁深官似寄  
師丹老去事多忘  
無聊且踏城頭月  
南望滄波當望鄉

晚坐愛蓮書屋

風動日將夕  
輕寒欲換衣  
空齋拋客感  
獨坐見真機  
蜂抱一花墮  
竹誼羣雀歸  
物情隨所適  
吾亦悟希微

己未除夕

在礪石

海外忘時節  
心與顏俱頽  
忽覺南窗下  
拂面東風來  
乃知歲景聿  
云暮不見梅  
花見海霧回  
思六十九年  
非一瞬  
光陰已飛度  
明年七十古  
所稀  
不死更將何  
所希  
況復身投玉  
關外  
耳目聾瞶如  
痴癡  
有琴對誰撫  
無山何處歸  
拔心空羨卷  
菴草  
衛足不如黃  
蜀葵  
萬里攜家重  
遊粵  
又復分栖若  
秦越  
時寄羊城  
祇是鷓鴣借  
一枝  
偏輸狡兔營  
三窟  
暮齒戀兒女  
未敢笑  
英雄  
今夕是何夕  
一身如孤窮  
遙想少長集  
多應念老翁  
歲時風俗到  
處異  
惟有爆竹聲  
皆  
同  
三  
更  
人  
靜  
吟  
未  
盡  
白  
頭  
影  
隻  
燭  
雙  
紅

除夜再詠

爆竹聲誼漏點遲  
空齋寂坐動遐思  
身雖作吏心常逸  
壯不如人老可知  
地少朋儕虛對酒  
家無宗匠懶吟詩  
謂隨園主人  
窗前試探花消息  
明日春風又到時  
紅豆村人續稿卷三終

紅豆村人續稿

錢塘袁 樹苑亭著

卷之四 庚申辛酉

庚申元日同秦荔園姪婿共奕 在碣石

歲從今日改歷向海邊開風欲拔山去春先送雨來是日大風微雨既可潤蔬卉兼以淨氛埃民情  
正刁慝所冀天栽培雨暘但時若梗楛亦就材曉行東郊外海浪轟如雷遙望三神山縹渺  
空崔嵬仙人不可見何有黃金臺欲下任公釣鰲眠方曝顯獨歸荒署坐沿階掃莓苔空有  
半池水曾無一樹梅為官仍是客招友乏良媒幸偕少游侶動靜絕嫌猜晨餐羞美饌卯飲  
辭深杯聊彈碁一局小試縱橫才

棋罷吟成偶作山水小幅更為截句

地僻衙荒歲首時清幽正與老相宜三枰碁罷閑心手一幅溪山兩首詩

得月樓題辭應錢總戎屬 夢鹿台州人

聞說天台勝山高萬丈餘人多臨水住仙每好樓居靈氣浮瓊館瑤光滿玉除將軍開別墅  
疑是武侯廬 地勝迎春早樓高得月先林巒低檻外星斗挂簷前海湧冰輪上池懸玉  
鏡圓舉杯邀共飲興滿蔚藍天 試訪名園徑分明第五橋花扶雲級峻柳傍畫楹嬌鸞  
鶴音常集霓裳舞可招清輝時在抱應不負良宵

喜晴

新年人坐舊空齋一片雲晴萬瘴開羣鳥弄聲雙蝶舞春光也到海濱來

登碣石

禹貢夾右碣石入于河漢書註碣石海邊山名水經註云在遼西臨榆縣南水中是碣石並不在粵今陸豐縣東南六十里有碣石城設總兵官同知為防海

我聞秦始皇巡遊至碣石求仙使盧生刻門壞城邑又聞燕昭王築宮師遊客乃在幽州西  
靈臺有遺跡胡為斗大城亦以碣石名循名當有自欲考失圖經豈是鞭驅來抑或縮地至  
似石亦似山鬱勃騁奇勢登石望海濤濤比石更高遙指黃金臺白日煙迢迢

題王梅巖桃源送別小照

親到仙源洞裏遊塵緣未了悵難留殷勤指點前溪路認取來舟即去舟  
我亦悠然想出塵火輪悔不早抽身天涯到處多春水逢着桃花便問津

碣石書感

垂老領官符跨海臨碣石地自富魚鹽利不專粟麥雖非安樂鄉亦是優餘邑無奈承平久  
蚌蛤變螻蟻海氣日相侵囂風習漸積敝帚視詩書含飴衽金革賢愚雖自殊強弱每莫敵  
在陸聚遊魂出洋肆險魄分黨鬪英雄恃狼互凌藉緩之靜須臾迫之即猖獗豈止亂萑苻  
將可盈藪澤同知非腐草甯甘尸曠職念爾雖冥頑亦各立家室縱昧惜身命詎不權得失  
非分那可干軌法豈無律一旦小草偃噬臍復何及喻者脣欲焦聽者耳如塞奮身欲剪除  
手無一寸鐵含怒期訴天肘掣更無力眼極望洋歎心殷炙炕熱鎮日但書空進退轉無策  
我聞醉人國一飲醉千日一人十數飲一生事已畢安得醉國酒一醉羣兇息又聞東南荒  
鬼雄蛇繞額朝吞鬼三千暮吞鬼三百何不倏爾來吞盡么麼賊庶幾良善分蟻聚各安宅  
春風滿寰瀛永靖蛟龍窟



海外逢人日蒼茫寄一官暖添衰骨健晴覺悶懷寬歲月驚潛逝波濤騁壯觀不須懸綵勝庭竹自平安

慙慙

慙慙覆掌中孟七裘驚看頁又開妝好已非初嫁女賦成那免倒縵孩雲深莫辨前途暗風逆難禁後浪催夢裏鄉關歸不得枉勞猿鶴費是情

閱歷

竟出中華外來居島嶼中鼉鳴知欲雨海嘯不因風埋浪漁人網沾天賈客篷幸能增閱歷未敢怨途窮

海嘯

夜半無風大聲起如礮如雷轟震耳又如涿鹿戰蚩尤饒鼓誼闐雲霧裏披衣急起出庭階未解聲從何處來仰觀河漢不改色月華滿地無纖埃階前小胥冷相笑使君見少空老耄龍伯釣鰲山可飛波臣鼓浪海能叫土人謂曰如此聲常月二三居人聽慣非殊調尋聲果從空洞來乃識宏聲即海嘯我聞大海為水宗三德五德萬古隆九潦弗加漲七旱不減淙黃星騁乃狂濤躍黃星墜乃渤澥空又聞砥柱或湧沸有聲將驗風雨異分明鼓蕩非等閑相隨大塊同噫氣所怪無大扣又豈懷不平胡為水不起立風不生浩瀚鬱勃恣長鳴因思靈運遊瀛壖徒將石華採青蓮登高邱空歎沉光彩不解賦聞聲未盡觀于海我今乘棹逐使星海山借作枕邊屏莫笑龍鍾雙耳寂祝融長嘯已親聽

扶樹

署前雙榕樹大合數人圍對立堂皇下濃陰蔽四時熊筋纏鐵幹霜皮鏽苔衣相看惟磊落  
不自銜神奇客秋颺風作橫暴力不支左側一株拔偃蹇臥丹墀我來五閱月綠葉猶紛披  
惜此參天質頓成掃地枝有材不培植甯無愧職司生氣况未絕何忍即斧之于焉集工役  
長繩相挽持人衆擊易舉須臾復前規兩樹屹相向撐霄立鼓旗實以高厚土繞以挹注池  
還期二三月春雨益華姿青鳥家來言青龍忌低卑今復聳其勢正與向背宜我笑謂言者  
先生勿我欺三元參五緯一信恆九疑但探陰陽竅莫鑿渾沌眉我惟篤傾覆其他非所知

池上作

偶傍清池坐身閑興有餘雨晴風弄蝶日暖水跳魚平聲引蔓青蘿短搖竿翠篠疏照來雙鬢  
影零亂不勝梳

正月十一日立春

椒花吟過已經旬纔見雲翹舞水濱天上運行惟仿舊人間節物又翻新土牛應候風仍古  
生菜登盤俗尙瀆惟笑東郊虛典禮不迎青帝不鞭春碣石一城孤寄嶺外一  
切典禮皆陸豐令主之

得解

得解心常定澄懷夢任虛但能常落寞纔是好居諸招客頻分韻逢人便借書老知無進境  
偏自惜三餘

閑詠

孤懷鬱鬱掃難開鎮日長吟枉費才吟罷與誰論臭味穿窗時有一蜂來

署齋寄興

拚將身世付蓬廬眼界空明興自餘春到雜花沿砌發機忘羣雀共庭居  
家雀數十為羣  
籬梁間馴而不驚  
耽吟慣用常拈韻醒睡貪看未讀書却笑海濱多網罟盤餐翻嘆食無魚  
海魚味腥不可得  
求鮮鱗不肉老

聞土匪滋擾率兵役出捕

海上紛紛哮鬪羣無端白晝起妖氛未能化導回臬俗敢以衰庸負使君馬振連錢馳似電  
手揮如意氣成雲飄蕭白髮紅旗下小隊弓刀領一軍

風聲到處賊先馳駐馬西山日落時遍地冤黎呼慘切沿村父老訴顛危除兇有志擒張魯  
當道無權愧老羆水可慢言歸整旅寸心如草半離披

讀劍南七十歲時即用其韻

漸看筋力似摧枯薄宦猶然滯海隅攘臂縱思重射虎任呼那復更成盧甯甘飄泊為殘客  
枉笑留連類賈胡萬念盡如灰冷盡尙餘痴夢遠西湖

曉登碣石城

曉色乘朝霽晴空四面開遐荒將盡處孤影獨徘徊鳥入雲根沒帆懸天際來何堪碣石館  
當作望鄉臺

春日感懷

已轉青陽律應知暖氣融如何吹浩蕩全不似春風浮嶼連天碧飛濤射日紅遙心無著處  
坐盡小齋空 垂老無遐慮閑愁觸境生雜花新雨色百鳥故鄉聲雲水虛前夢關山空  
遠情首坵還有志何日問歸程

記得

記得童時事分明在目前何堪新歲首已到古稀年官冷身甘後人推輩已先不知天上月  
更看幾回圓

春齋

賴是投閑地荒衙畫掩扉竹深留宿雨花暖試春衣淺沼容魚伏長空看鳥飛神仙何可慕  
素位即忘機

贈啼鳥

曉色軒窗淨一鳥睨曉鳴纏綿理瑤瑟清脆勝瓊笙殷勤千萬囀於我似有情不解歌何曲  
不辨習何聲豈其識鳥篆默自誦禽經但覺音和樂當非訴不平還從娛耳處因之感慨生  
當茲春發育萬物爭向榮新雷乍起蟄喬木多遷鶯何不學黃鸝乃徒效鷓鴣自非歌下里  
誰解和陽春藏機方保素多言恆累身常聞戒守口何可妄搖脣爾既不自歛我亦不自明  
既以爲爾勸還復爲爾賡聊以當贈答伐木聲丁丁

憎蛙

池草未曾生偏渠先已鳴搖脣徒自苦聒耳太無情更比綿蠻雜誰云鼓吹清公私果何爲  
未免欠分明

顧星橋太守見庾嶺梅樹知爲余所補植作梅花行見寄奉答一章

我本灌園人偶作當關吏吟嘯有胡床指揮乏如意行年及衰頽何心問經濟任運絕夤緣  
投閑翻肆志每登大庾嶺四顧發長懷嶺無梅不香梅去嶺無味補種三百株聊實嶺名義

嶺與梅別久得梅益蒼翠梅得嶺因依傍岸增嫵媚影搖明月疏峯抱烟鬢睡可惜蠻天遙  
愛憎殊方異試訪臺侯踪不道通仙忌時有消種梅為好事者宰相鐵石腸山僧蔬筍氣空谷自春風  
行人無筆記多君冰雪衷揆藻表微意興與嶺爭高詩比花尤麗嶺外四時春南枝開更易  
若逢驛使來先向君邊寄

顧星橋太守抵高州未匝月即仍內轉

卅年聞望士林知久滯星郎出守遲賈誼何嘗疏治術東坡偏不合時宜春華秋實原同氣  
政事文章豈兩歧可惜清風亭上月未能容賦一篇詩清風亭在高州

寄概

青蠅无妄古今同貝錦文章織更工曾訝無兄譏盜嫂更聞搗婦亦稱翁雲中狗馬頻生幻  
海上樓臺慣駕空若使化工虛化理孰為猿鶴孰沙蟲

題許廉舫前感六圖

浮生集百端所感甯惟六顧念百端中更有大關目趨庭識詩禮對月懷金玉歡扶花間輿  
靜奏房中曲策騫雲路遙捧檄君恩渥約略憶生平時過夢常續浮雲淡更空世事剝還  
復茫茫寄蘆隱隱繫幽獨妙手倩龍眠銀絲描素幅披圖萬感增當作由庚讀

再題許廉舫後感六圖

是真翻謂假是假偏似真與我周旋久我自有我因是耶抑非耶何必問他人真正面目  
宇內皆傳舍小住亦復佳况剪西窗燭良友愜幽懷雲帆何用曳吾生自有涯雲帆夜話  
潮汐氣鼓蕩有何預時事忽爾失常期宦途隨變異乃知至性人起伏關天意潮汐風聲

祝壽企南山頌德欽明鏡紛紛進諛詞徒爲識者病何如鼓腹歌能動采風聽興歌洋溢  
瑤池鶴將返珠海鱷先驅孟宗竹猶在王哀木預枯徒增風木恨千古泣臯魚風木增悲  
使君從此行片片蒲帆渡送者不能留行者不容住去住同一情長風滿江樹韓江掛帆

藉病

藉病得齋居身閑意自如課兒朝認字選吏日鈔書踪跡隨飄梗生涯付太虛不嫌門外雀  
但惜釜中魚

閉門

閉門聊養拙偃息竟經旬海外拚孤注房中臥病人時內子病臥痴情都是幻噩夢豈宜真賴有  
南軒日秋深暖似春

答韓蕤湖

熱腸中有兩閑人休沐能容近一旬冷雨代辭生面客淒風偏耐苦吟身能拚馬革歸骸骨  
難臥牛衣計米薪賴是使君相問訊同情還恐各傷神

自識

動惹紅塵靜結緣化機多在未形先升沉有自何關命涼燠殊常敢怨天禪可談時非妙諦  
心無著處是真詮卅年一枕黃梁夢夢未醒時已驟然

寄祝張暮青太史同年七十太史居宣城

遙望朱霞起赤城文星高並壽星明敬亭雲對賓筵近秋浦風搖蕙帳清海內論交多國士  
階前進酒半門生在朝在野從容甚不負當年日下名

迴憶燕京卅載前，羣英同聚大羅天。青雲座上調金管，紅杏花中颺玉鞭。結客盃擎仙掌露，羨君身染御爐煙。分明記得肩隨侶，半是蓬壺未老仙。

瀛洲清美遇優隆，日待螭頭近紫宮。筆典詞章鸞掖重，鑑分楚蜀驥羣空。行看南國秋將老，歸趁西山日正紅。靜擁臯比誇樂育，更將餘錦散春風。

老我輪蹄逐軟塵，青衫如故白頭新。雄生忝幸同辛亥，雌伏徒慚負甲辰。近接瀛江交寶桂，太史令嗣時任粵西遠從珠海祝莊椿。笑期十載重攜手，還共磻溪弄釣綸。

送韓葑湖奉親還會稽

五載同車馬，千秋鮑叔知。風塵嗟我老，肝膽遇公遲。周急頻分俸，偷閑互和詩。珠蘭香滿架，共是賞心時。

官譽何堪信輿歌，乃見真公惟清自。矢民遍頌如神鳳，閣三層壯宮墻百仞。新潮陽樹功業，又屬姓韓人。公爲昌黎公裔孫

六十行年近庭幃，色養殷扶輿。承愛日禮佛奉慈雲，暫爾辭高爵。原非慕隱君，風標如鶴立。何取混鷄羣。

共作還家計，輸君竟獨先。執裾如中酒，挂席羨登仙。殘臘寒風勁，新春鄉月圓。殷勤申舊約，待我鏡湖邊。

爲嚴立堂題祖臯圖

翳昊天兮罔極，惟孝子兮錫類。羌前武之可繩兮，企家聲之弗墜。園寂寂兮烟漫漫，木蕭蕭兮風寒望杳杳。極心目思綿綿兮，摧腸肝碧蘿蔭兮白鶴舞。樹雖靜兮人千古，悵遊子兮。

天之涯但披圖兮淚如雨

再為立堂題感秋圖

誦詩久廢蓼莪章一片慈雲夢渺茫  
入秋風圖畫裏臯魚聲淚滿斜陽  
四時孟楨盡生哀尤是霜天最感懷  
可奈關河吹不斷秋風偏易到天涯

日晚

齋靜人多暇窗虛日易西  
乍看煙靄重漸壓竹梢低  
蝠出簷前舞禽歸棟下棲  
蘆簾垂不捲風色晚淒淒

春興

二月將近南風輕高空隱隱吹瑤笙  
地無楊柳少春色窗有芭蕉多雨聲  
美酒未傾心自醉異書堪讀眼還明  
韶光如許不歸去我欲乘潮騎海鯨

愛蓮書屋

屋小如孤舫閑拋淺水灣  
乍臨嫌過隘久處覺能寬  
新蘚纔沿砌春風更滿欄  
豈惟容膝坐兼亦問心安

不寐

燈影沉沉窗未明潮鷄不待五更鳴  
新愁宛轉驅難去舊事思量偏更清  
詩苦欲搜佳句少寒深漸覺蔽稠輕  
任呼罔應翻成笑羨煞庸奴鼾睡聲

三台石

三台石在城東元武山上三石聳立高各丈餘前明童謠云一拳打倒三台石  
三歲兒童也沒頭未幾一石無故自斫側旋遭海寇滋擾殺戮之慘竟如謠言

業國初遷民復業始扶正之



三台石立高坵曾聞偃臥日鬼哭聲啾啾位本列星垣何因棄海嶠卓犖非鷄助老拳大堪飽胡爲如醉石不揮便自倒龍作馭雷爲鞭風吹雨苔衣鮮我願拜石兼拜天不顛不仆千萬年

犀牛石

犀牛石在觀音嶺下頭角蹄尾備具前明時石牛爲怪每夕踐食田禾居民苦之而不能制忽爲雷擊仰首側臥道旁土人名其處曰犀牛望月

犀牛石臥道邊不助畊田轉害田雖介葛盧難與言農夫不能制牧豎不敢牽耘怨氣上千天霹靂一聲腰股折精靈亡盡仍頑石裂殘形僵蠢魄藉草根望明月我願羣鼻視此牛縱至成精終敗滅

自躍石

崇正三年歸庭海中有大石廣數丈高丈餘忽躍行登岸距舊跡五十餘步起焉巡官上其事縣令周一敬判云數丈之石自海躍頓移在岸乃氣之躍而起必有爲之兆者居民須加愛護無令損壞以志奇可也

石不言足何有自非申徒狄誰爲負之走鮪庭大石顛如雷郭郭索索走上涯我聞齊東蹈海三石偕揚州浮浪謠石來爲休爲咎半疑猜水與陸疆異界靜與動體各泰何容踴躍聘無賴卓哉令尹才轉申愛護誠暗點頭時破機械寂然孤立蒼烟外見怪不怪怪自敗

雲化石

康熙二十年正月二十日午刻陰雲密布空中忽響振三聲音如鐘鼓有片雲從南方來墜于南塘鄉入地尺餘鄉人掘之得一石色如鏡形分三角作硫磺味

一片雲從南至鐘鼓聲中墮入地掘地無雲有石形三角鋒稜光彩異我聞石乃氣之核雷爲石化成又聞星隕地成石雲觸石而生上天下地霄壤隔變化難窮眞宰跡如何縹渺輕清形條作堅凝犖確質石默默雲沉沉我爲雲石想緣因未陪虛帝奏雲樂來伴連城鼓石琴

二月二日喜晴

喜得今朝風景清空齋人對片雲輕老懷不共花爭豔詩興偏如草易生除卻思鄉無別念  
強爲作達賦閑情殷勤更向青天約來夕蛾眉照影明

靜坐愛蓮書屋偶有所觸遂成短篇

海外無知音一身寄浮宦四大本皆空萬古同一幻試自溯平生榮落如花瓣也曾探金穴  
也曾履危棧高空落鷗鷗短籬絆鷄鶩榮辱由自招富貴豈人辦昭明日正中淒其歲條晏  
徒逢白眼覿無復倩臚盼我本蜉蝣子賦性耽閑慢空備籠中藥未識鬼木申更非鐵鼓材  
一任牛皮幔繁華視久虛澹泊味尤慣得此息微躬何傷不掩馱換骨乏丹砂遺形容懶煨  
凍雀思息枝寒魚快得汕我欲換愛蓮更名曰味諫

秦荔園意有所屬急裝還家瀕行口號以贈

惹起離腸似轉丸歸程恨不跨雕鞍相如肺渴思吞海除却文君解也難  
好是還家正早春綠肥紅瘦一簾新重教楊柳樓頭月細認芙蓉鏡下人  
紅塵老我滯天涯旣負春光更負花卻笑身無錢與笠風斜雨細不還家

花朝

去年花朝在淩江細雨吹花撲玉缸今年花朝羈碣石但見狂風戰蕉葉年年歲歲有花朝  
花信春心各自饒春到天涯光自冶花臨海岸色難嬌記得當年身在家枝枝親手繫紅紗  
未知來歲花朝日可許重看故國花

病中吟

茫茫萬劫走飛塵何處洪崖可問津老病死原非異事窮愁生亦是陳人編餘詩句三千首  
閱過繁華七十春縱是遊魂歸不得青山明月總相親

漫述

縱得淮南術丹成亦杳然但看同委化豈必果登仙龍馭迷三界烏號墮九淵那知鷄犬隊  
流落向誰邊

臥病

臥病空寥落殷憂痛切膚將身付僮僕舉目失妻孥萬古同行客三生孰故吾澄心齊物化  
屏息學跏趺

故國徒延望僑居又異鄉問天空有口縮地竟無方細雨搖燈暗春宵倚枕長沉檀彫朽質  
未必死猶香

相對無堪語孤懷強詠詩但期閑解悶不敢苦拈髭衣帛難增暖懸車已及期天涯指歸路  
芳草正離離

堯雨

疏簾生嫩寒潤添新草木淨洗舊峯巒苔色濃花砌池波漾藥欄郊畦動耕作

好雨當春晴

藉慰病懷寬

病餘

病餘猶有未收魂內典神經懶討論柳外風絲占霽雨花陰日影辨朝昏客稀荒署常虛座  
吏散空庭早閉門衾枕都無人檢點寒暄自覺自溫存

奉調出碣石 三月初九日

蒼狗多奇變驪駒動急裝脫身離苦海長嘯淡名場未化蠹凌俗羞持父老觴送行春雨足袖拂野雲香

山程

亂踏崎嶇路程程入翠微峯高人影小野曠鳥聲稀寒雨細尤密濕雲低不飛落花偏好事點點著行衣

抵省寓 三月十六日

窮愁衰病羈遙海常恐今生見面難列架尙存殘卷在入門先覺老懷寬能甘淡泊窮何礙參透升沉意自安眠食莫調經半載今朝應爲一加餐

登雙門閣懷古二十八韻

百粵開閩闔雙門扼海濱地分秦社稷職統漢君臣僭敢乘黃屋恭猶奉紫宸建瓴移象魏飛翻瞰城闈當日殊聲教雄豪待拊循卽今同律度岳牧重宣旬勢尙凌南斗威仍控北閩風雲生畫棟山海奠坤垠更朗司天監工傳應候辰銅壺形自舊玉水滴常新蒼潤青瑩質爛熳古黛皴無分時顯晦總可識昏晨靜鎮扶元氣登臨豁遠神九星環列市百物聚奇珍鼓楫翔蛟女歸墟認馬人閩闔環沃壤艦艦溢通津尙想紛爭始遐徵治亂因呂樛荒內政楊路靖囂塵草木都沾化獠夷盡飲醕珊瑚方入貢薏苡已搖脣大祇漁鹽戶終殊稼穡民乖龍行自矯癩象性難馴但得乘王化隨宜秉巨鈞養癰除小惠鋤惡布眞仁梟獍皆潛壑鯨鯢不反倫地蠻風自古民富裕還瀆共鼓中和氣同遊浩蕩春六鰲無可釣奚事縱飛綸

三月晦日途中作

細雨空山曉輕風飛落英春方催轉駕我更賦孤征峯頂行多險潮頭過卽平來年花信發可許約歸程

重抵碣石 四月初三日

行如束濕不停驂還踏波濤海上探童叟遠迎雖可喜奸頑莫剪更多慙數間破屋重開坐一指枯禪又苦叅身似朽株心似鹿醅醪雖飲也難酣不接賓朋不放衙遠將骨肉寄天涯便如致仕閑居里尙未爲僧已出家啟口絕無人問答亂聰惟有鳥諠譁扶桑一樹紅如火却向階前大放花

澹池

庭前一畝池昔人種蓮鑿歲久納衆汙有似惡溪惡鷗鷺不屑窺更何有華萼水渾心難清池汙人亦濁亟爲澈見底更待三日曝籍以沙晶明疊以石确礫却值時雨來神泉自天落四角一時盈澄清三尺足邀月風易生照影身不獨白小買纖鱗悠然如就壑我知我非魚且樂魚之樂

四月十三日立夏 時方望雨

節屆清和四月中餘春猶在蕙蘭叢雲峯層疊偏遮雨潮鼓喧闐祇嘯風逢閏自應添畫景

是年閏四月

得金甯果害農功

軍行月令立夏得金五穀不成是日筮逢金五

何當覓取飛霜散一洗煩囂萬慮空

十四日雨

正思祈雨慰輿情忽聽芭蕉報點聲地險豈宜逢歉歲天高終是愛蒼生已看沃野都回潤

還祝濃陰莫放晴好是今宵清夢穩桃笙淨拂晚涼輕

坐小池畔

池小不盈畝水清增興多未堪流罽飲卻稱濯纓歌花落微生穀風搖略縐波但存濠濮意  
冷癡卽巖阿

常恐

海邊遯跡狎輕鷗四月清和客館幽數卷著書慚祭纓一家繫室類蒙鳩不嫌坐盡如年日  
常恐歸遲隔歲秋試向清池閑照影雲行水止兩悠悠

風雨

蕉浴雨展綠花洗雨褪紅均此被天澤承受各不同花開繁共枝風吹分落片高或登錦茵  
低乃飄汗溷同是受風吹高低形各變榮枯隨本質造化誰探尋物情自區別風雨何容心  
與故人夜話

入門一笑鬢雙皤老不饒人喚奈何庾信鄉關心共切向平兒女累偏多夢中說夢空貽笑  
禪外參禪更是魔賴有西窗殘燭在不如把酒且高歌

不如

衙閑終日閉門居靜檢殘編萬慮除寄語醫家治心疾侵著雖好不如書

題鍾竹嶼州佐泛海圖

男兒壯志凌瓊霄何堪鬱鬱作馬曹班超投筆欽萬古任公一釣聯六鰲古來英豪多事業  
風雲強半海天遭鍾君昂藏軀偶慕銅墨貴遠尋山水遊戲嘗軒冕味正值萑苻掃不開龜

鼉抱日蓋海來樓船將軍整旅出選才先選濟川才惟君少壯絕馳騁鬚如戟英風猛浪  
破深知宗慤能長纓不待終軍請笑衣短後賦從軍主簿參軍共策勛纔試揚舩舟似馬已  
看壓敵氣如雲么麼不量力鼓鬣敢前馳惟君秉成算履險心如夷奮楫揮如意中流拂鼓  
聲火焚蛾賊錄斧斷蚩尤旗獻馘九十四偉略達 彤墀眼看金印將懸肘閑從花下倚杯  
酒放胆惟憑一葦杭驚心倏歷三年久三年泛太空碧水淨雙瞳身心幸俱泰功成恥伐功  
倩工圖寫真面目題作泛海識遊踪意深志遠畫筆所未到但覺滿紙颯颯吹長風

竹醉日董大使來移竹走筆送之

聞說來移竹開園任取探籜龍方解說鳳尾正豔豨長物何須吝清風不厭貪只嫌晴日烈  
醉或未能酣是日大晴

消暑作

粵嶠立炎方夏日尤酷烈長鯨奮赭鬚驚馬亦汗血栖樹鳥張喙伏陰犬吐舌坐無水晶簾  
空鼓洪鑪鐵人苦赤霞煎我心白雲潔銜署一條冰髮散滿頭雪寸衷冷如灰大火燒不熟  
著書

心專難兩用身老耐閑居避客非關懶荒詩爲著書不嫌韋屨絕只惜景無餘借助雙眸朗  
幽窗夜月虛

立秋日書感

髮堆亂雪面生塵七十龍鍾老病身豈是逃名充吏隱不妨無告類窮民乍看青嶂堪迎爽  
縱挿黃花已負春莫笑晚途多躡蹶臣之壯本不如人

初秋池上

荒署秋先到炎涼頓不同竹垂連夜雨萍縵半池風人共長天遠心隨萬化空葡萄一葉落

錯認是梧桐

粵無梧桐葉惟葡萄樹皆早凋

窗蕉

翠袖瑤裾拂早秋雨聲浙瀝小窗幽文心那得蕉心似一卷纔開一卷抽

新秋書感

江買鱸魚沼採蕪秋風吹夢證前因二千石俸容歸老千古惟欽第五倫

題須二峯滌硯圖小照

秋聲在樹秋香滿天魚知吞墨鶴解避煙凝神靜對意得忘筌解一心同水定眼放雲開我與

我周旋風與月何猜解二淵明讀書但涉大意陸羽品泉能分水味意味深長參同伐異但作

濠濮間想自具滾雲之氣解三披翁之圖見翁之情土苴軒冕笑傲公卿石田有穫游戲筆耕

滌除煩鬱冰鑑空明

解四

和宋恆年少尹履豐見贈原韻

當年曾唱大江東慚愧龍鍾賦惱公短棹未能追賀老長纓空自憶終童魚傷頰尾宜藏涸

鶴鍛霜翎枉觸籠幸是天涯逢宋玉好將心跡訴秋風

題宋珠圃玉涵記遊詩集後係恆年少尹之子

偶自海濱來寂寞尠儔侶幸結大宋歡更接阿戎語清辭玉屑霏丰度青霞舉由來少年行  
意氣橫今古誰歛邯鄲步甘臥圖書府公子本天真恂恂中規矩鞭恐讓祖生笑不貽鄧禹



那便薄功名且自藏錦組秀筆追徐黃雄文契燕許更饒詩思清深入中晚廡春浮蘭蕊香  
秋滴梧桐雨一首一傾心一讀一起舞擬締忘年交頽唐愧杜甫

答李潤齋

登榜湖南長沙人任水師都關

相逢一笑海天秋瑣骨珊珊認艱侯惟楚有才多磊落以儒爲將自風流舉杯邀月衝鯨陣  
拔劍談詩破蜃樓料得萑苻烟水靜伏波名又震炎州  
風塵老我鬢如絲四海交遊枉夢思卻笑下車纔貌接竟從傾蓋訂心知鉢催子建成章速  
花落江淹賦答遲可奈新歡重惜別聯吟難定又何時

海岸觀雨

波翻漸覺釣艚稀萬頃濃烟四合圍雷挾長風吹海立雲催急雨捲山飛舉頭不暇防吹帽  
快意何妨任濕衣最好須臾天宇霽輕輿亂踏岸濤歸

慚聽

耳邊慚聽海沂謠濁酒難將礧礧澆蟲鼠守門翻遜犬驂驢捕鼠不如貓事同拆襪何堪理  
心似懸旌祇自搖滿目雲煙開島嶼飛仙可肯一相招

海岸觀打魚

網大過半海人衆如合圍曳網如曳絳長繩繫短衣兩行排比立如鶴張雙翬人從磧上牽  
魚在濤心躍海鳥千百羣爭就網中掠鳥貪肆飛翔魚駭互抵觸雪浪濺高低銀梭亂交錯  
漁人目眈眈惟利在多獲禽魚各一心漁人心更酷須臾網近岸鳥飛魚就涸敢網慶多魚  
乃僅數寸餘海大魚轉小千網無一虛漁人利數倍不以小爲虞豈無鯤鯨鯢亦有鱣鯉鱸

潛身溟渤底網罟不敢圖因悟禍福理深藏乃安居

答友人問秦淮風景

金粉斜陽自六朝黃淮猶剩水波嬌鶯窺樓外偷歌曲柳傍簾前學舞腰明月有情留畫舫  
落花無奈付江潮當年曾效司勳醉襟袖淋漓酒未消

人日 辛酉

每逢人日便題詩今歲題詩更覺癡海水潑天荒署冷新編七表又開時

春日遣懷

曹閑減酬酢庭靜長莓苔濤挾長風去山招春雨來衰年多慷慨勝日獨徘徊試問扶桑樹  
紅花開不開

新春雨後

不賦傷春更惜春春風海岸往來頻泉經好雨流添急樹籠輕煙色轉新弱草難邀青眼客  
幽花偏媚白頭人綠肥紅瘦年年慣莫向榮枯問宿因

池漲

一夜疾雷崩驟雨澎湃庭階搖棟宇曉來急起視前池深碧一泓三尺許可憐池小纔半弓  
細流潛納也能容賴是天泉自增長不煩挹注施人工澄澄自清攪不濁翡翠平鋪一片玉  
但如古井靜無波常此持盈止亦足

晴日望海

雲晴波暖靜無風浩氣蒼茫望眼空認取琉璃眞世界水天一色碧玲瓏

惠州伊墨卿太守重修朝雲墓作詩索和賦答一章

六如亭子傍孤墳萬劫難消一片雲學士流風隨逝水美人芳草冷斜曛湖寬定識魂常在  
花落還憐偈尙聞不是高情賢太守更誰海外續宏文

和李企齋

象城韻

愧我情懷學懶殘夕陽影裏路漫漫拋榮辱澄心澹老賦窮愁下筆難遵海徒虛新歲月  
望鄉空憶舊林巒抱琴邂逅逢知己聊對雍門着意彈

雨後曉起書感

夜來狂雨足曉色散輕霞綠漲一池水紅餘半樹花撫時驚去日指海問生涯誰道波濤外  
蓬壺可作家

數畫世科案

齊來亦雨呈興色烟勝對絲燈一戲水珠翁半掛亦堪制遠去日能燕四半我非重好信長  
雨分細生香細

翠輝空對蒼林鬱翠琴瑟張表狀占應禮燕門香意晚

此好詩對學斷教父劉深寒相暖數開與榮華道心醉李湖東意王華嚴靈岳封海得遊民  
休李金壽

外落聲響聞聞不怯高辭資太夜更無辭代歸太文

六眼卷下前題取萬賦賦前一廿文學士將風調傲水美人天草命探細晴窺玉端終常亦  
紅豆村人續稿卷四終

紅豆村人集迺 先王父香亭公所著詩稿也其前十四卷已刻入隨園全集中續稿四卷

先君子補闕後即擬梓行詎涖任陽穀軍書旁午無暇顧及嗣福海爲餬口計又復奔走

連年遲而未果光緒己丑僑寓平陵閒居抄事因浼 汪幼堂姍兄襄同校對付諸著易堂

主人涂紫巢君附于全集之後今已刻成更名曰隨園罕三種敢曰誦先人之清芬亦聊與

前刻合成完璧俾免散佚之虞且使讀是集者庶幾得窺全豹云爾劄劄告成敬誌數語綴

於簡後 孫福海謹跋